



卷九七
 三設官
 七九
 八八
 三設官
 八

類函
 四六

1加 ³
427
46



四
1/3
卷



新金圖書

此係明治八年八月廿八日
由早田播田同諸君
以贈資一人

早田播田圖書

淵鑑類函卷九十七

設官部三十七

開府儀同三司

特進大夫資德

大夫資政大夫奉大夫中大夫正議大夫中大夫通議大夫

奉大夫資政大夫奉大夫中大夫正議大夫中大夫通議大夫

嘉議大夫附太中大夫中大夫中大夫中大夫中大夫

順大夫朝議大夫奉政大夫朝議大夫奉政大夫朝議大夫

郎奉訓大夫附奉政大夫諫議大夫奉直郎通議郎

承奉郎承奉郎承奉郎承奉郎承奉郎承奉郎承奉郎承奉郎

承奉郎承奉郎承奉郎承奉郎承奉郎承奉郎承奉郎承奉郎

承奉郎承奉郎承奉郎承奉郎承奉郎承奉郎承奉郎承奉郎

承奉郎承奉郎承奉郎承奉郎承奉郎承奉郎承奉郎承奉郎

承奉郎承奉郎承奉郎承奉郎承奉郎承奉郎承奉郎承奉郎

承奉郎承奉郎承奉郎承奉郎承奉郎承奉郎承奉郎承奉郎

承奉郎承奉郎承奉郎承奉郎承奉郎承奉郎承奉郎承奉郎

承奉郎承奉郎承奉郎承奉郎承奉郎承奉郎承奉郎承奉郎

承奉郎承奉郎承奉郎承奉郎承奉郎承奉郎承奉郎承奉郎

承奉郎承奉郎承奉郎承奉郎承奉郎承奉郎承奉郎承奉郎

設官部 淵鑑類函卷九十七 開府儀同三司

源杜氏通典曰漢文帝元年始用宋昌為衛將軍位亞
三司 後漢章帝建初三年始使車騎將軍馬防班同
三司同三司之名自此始也殤帝延平九年鄧騭為車
騎將軍儀同三司儀同之名自此始也又獻帝以伏完
為輔國將軍儀
司比三魏黃權以車騎將軍開府儀同三司開府之名自
此始也漢末奮威將軍晉江右伏波輔國將軍並加大
而儀同三司江左以來將軍則中鎮撫四鎮以上或加
大餘官則左右光祿大夫以上並得儀同三司 齊開
府儀同三司如公 梁開府儀同三司位次三公諸將
軍左右光祿大夫優者則加之同三公置官屬自晉以

來又有如開府同三司之儀者自羊祜始焉漢末呂布
開府如三
司其他無聞至晉羊祜為車騎將軍督荊州諸軍事開
府如同三司之儀累年謙讓不辟士不備寮屬及始有
所命辟士未到而卒不能除署後當陽侯杜元凱江左
表哀其家無所嗣官無命士請更議之詔不許 江左
亦多有之梁沈約為侍中右光祿大夫徐勉為約請三
軍湖州刺史王茂為使持節散騎後魏亦有之普泰初
常侍驃騎將軍並同三司之儀 後魏亦有之普泰初
特以余朱世隆為儀同三司位次上公 北齊亦有儀
同三司者任城王潛等諸王
多為之潛戶皆反又有開府儀同三司及儀
同三司 後周建德四年改開府儀同三司為開府儀
同大將軍仍增置上開府儀同大將軍又改儀同三司
為儀同大將軍仍增置上儀同大將軍 隋文帝並以

設官部

開監類系卷九十七

開府儀同三司

為散官又諸衛各置開府左勳衛開府右翊一開府二
軍東宮領兵府置開府一人又有儀同府儀同以下置
開府準此員與開府同初開府儀同三司為四品散實官至煬帝
又改為從一品同漢魏之制位次三公 唐武德七年
改上開府儀同三司為上輕車都尉開府儀同三司為
輕車都尉儀同三司為騎都尉後又以開府儀同三司
為文散官開元以前舊例開府特進雖不帶職事皆給
俸祿得與朝會班列依本品之次皆崇官盛德罷劇就
閒者居之 **增**文獻通考曰宋初制以節度使兼中書
令或侍中或中書門下平章事皆謂之使相以待勳賢

故老及宰相久次罷政者隨其舊職或檢校官加節度
使出判大藩通謂之使相故事宰相去位例進官一等
或易東宮三少惟趙普以開國舊臣在相位久故以使
相罷蓋異恩也其後呂夷簡王欽若罷相皆以為例元
豐新官制始改為開府儀同三司 續文獻通考曰遼
散官無考 金從一品上曰開府儀同三司中曰儀同
三司 元開府儀同三司儀同三司皆正一品 明無
此官

開府儀同三司二

原東觀漢記曰鄧騭字昭明延平九年拜為車騎將軍

設官部

前漢書卷九十七

開府儀同三司

三

儀同三司 王隱晉書曰太始七年以鄭襄為司空天子臨軒遣使就第拜授襄推讓上送印綬至於十數久之見許以侯就第儀同三司置舍人官騎賜牀帳簟褥錢五十萬 又惠帝元康元年詔曰王戎清虛履道謀猷冲遠敷歷外任宣力四方入掌機衡文才允敘將澄清風俗顯一羣望宜崇其職乃可贊成王化以光祿大夫開府儀同三司 **增**唐書曰尉遲敬德封鄂國公老就第授開府儀同三司朝朔望 又李勣永徽元年求解僕射仍以開府儀同三司知政事 又長孫無忌進尚書右僕射懼貴且亢后又數言之遂解僕射授開府

儀同三司 又李光弼相州之敗帝以僕固懷恩違令覆軍優詔召光弼入朝懇讓太尉更拜開府儀同三司中書令 宋史曰潘美初為北院使太平興國初改南院使三年加開府儀同三司 又范純仁徽宗即位以觀文殿大學士召之純仁乞歸養疾帝許之及卒贈開府儀同三司御書碑額曰世濟忠貞 又趙雄字溫叔孝宗時拜右丞相改知江陵府光宗將受禪召雄雄上萬言書陳修身齊家以正朝廷之道甚剴切詔授寧武軍節度使開府儀同三司改帥湖北 金史曰豫王永成世宗子風姿奇偉博學善屬文世宗尤愛重之二十

五年命留守中都判吏部尚書進開府儀同三司
元史曰伯顏驛召至自大同世祖崩伯顏總百官以聽成
宗即位於上都親王有違言伯顏握劍立殿陸陳祖宗
寶訓宣揚顧命所以立成宗之意辭色俱厲諸王股栗
趨殿下拜五月拜開府儀同三司大傅錄軍國重事依
前知樞密院事時有忌之者伯顏語之曰幸送我兩罌
美酒與諸王飲於宮前餘非所知也 又拜住仁宗即
位拜資善大夫太常禮儀院使四年進榮祿大夫五年
進金紫光祿大夫六年加開府儀同三司每議大政必
曰合典故否同官有異見者曰大朝止說典故何邪拜

住微笑曰公試言國朝何事不依典故同官不能對

開府儀同三司三

原班同三事詳杜氏 詔給親信王隱晉書元康元年

原班同三事詳杜氏 詔給親信王隱晉書元康元年

原班同三事詳杜氏 詔給親信王隱晉書元康元年

原班同三事詳杜氏 詔給親信王隱晉書元康元年

原班同三事詳杜氏 詔給親信王隱晉書元康元年

原班同三事詳杜氏 詔給親信王隱晉書元康元年

原班同三事詳杜氏 詔給親信王隱晉書元康元年

原班同三事詳杜氏 詔給親信王隱晉書元康元年

原班同三事詳杜氏 詔給親信王隱晉書元康元年

原班同三事詳杜氏 詔給親信王隱晉書元康元年

原班同三事詳杜氏 詔給親信王隱晉書元康元年

原班同三事詳杜氏 詔給親信王隱晉書元康元年

原班同三事詳杜氏 詔給親信王隱晉書元康元年

增孝嗣角巾丘園齊書曰徐孝嗣加開府儀同三司

增孝嗣角巾丘園齊書曰徐孝嗣加開府儀同三司

增孝嗣角巾丘園齊書曰徐孝嗣加開府儀同三司

增孝嗣角巾丘園齊書曰徐孝嗣加開府儀同三司

增孝嗣角巾丘園齊書曰徐孝嗣加開府儀同三司

增孝嗣角巾丘園齊書曰徐孝嗣加開府儀同三司

增孝嗣角巾丘園齊書曰徐孝嗣加開府儀同三司

人位登衰職將何以堪之正當角
李靖不辭衰疾唐書
中丘園待罪家巷耳固讓不受
曰李靖進開府儀同三司帝將伐遼名靖入曰公南征
北討惟高麗未服亦有志乎對曰疾雖衰陛下誠不棄
病且瘳矣帝許
高儉屢輔監國幸洛陽以太子監國命
擢其老不許
同三司帝伐高麗皆同太子監國
相又曰張說字道濟遷左丞相上曰勅所司供帳
世忠以功臣進仍勅樞密以功頒示內外諸將帥建炎
三年進開府安丙鎮蜀錫命又曰安丙遺閣門舍人
致錫命錫旄節學士封還制書又曰王淮字季海孝
金印衣帶鞍馬
直學士院龍大淵贈太師仍昇
儀同三司恩數准封還制書
開府階宜廢子通考
三司諫廢其子給事中李中敏判云開府階誠宜廢子

謁者監何山有兒星也此外貴璫階官至金紫光祿大
夫正議大夫者多有之宋朝立法不以內侍混清流故
自有階
韓時議禮進階金史曰韓時字公美天會十
官云
當是時朝廷方議禮制度或因革故時在禮部兼
領太常其久皇統間乞致仕乃加開府儀同三司
開府儀同三司四

原詩周王褒別裴儀同詩曰河橋望行旅長亭送故人
沙飛似軍幕蓬卷若車輪邊衣苦霜雪愁貌損風塵行
路皆兄弟千里念相親
增唐杜甫贈哥舒翰開府詩
曰開府當朝傑論兵邁古風先鋒百戰在略地兩隅空
青海無傳箭天山早挂弓智謀垂睿想出入冠諸公茅
土加名數山河誓始終防身一長劍將欲倚崆峒

設官部
開府儀同三司

增制唐常袞授李抱玉開府儀同三司制曰門下秉德者必先於沖讓報功者亦資於禮秩遂其所執以彰明哲之心存其所賞以稱勲賢之策則勞臣知勸羣議允從兵部尚書同中書門下平章事潞州大都督府長史充陳鄭澤潞觀察處置等使上柱國李抱玉風雲所感挺此人傑文武相濟弼於朕躬沖而不盈泰而彌損累執范宣之志不言馮異之功足以光昭史冊軌度縉紳今之儀同未曰優異以其遜職是有進階可開府儀同三司餘並如故 又授李秀璋開府儀同三司制曰勅儀亞槐庭寵分茅社議功而賞舊典斯存某官議慮深

遠理懷明濟勁節不奪長才有餘湟中絕塞久毗戎幕車師前部仍領藩條摧兇陷堅勝捷相繼軍吏緩帶邊人反耕緬思忠勞益用嘉歎宜進秩於八命更褒封於五等

原章齊王儉拜儀同三司章曰臣聞日中則昃盈虛之定分器滿必傾往復之恒理遂乃班同袞章變和台曜外參論道內總百司物議惟塵自識非據 梁庾肩吾為武陵王拜儀同章曰臣宅慶紫霄聯休皇極地均指日旣無跡而成高仕若乘風故不行而自遠今者四郊無壘天下同文都尉春田猶居塞外單于冬獵不入漁

陽臣坐牧三邊非勞士戰豈能屯兵大夏封萬里之侯
飛箭遼城受千金之壽論其才望有懼茂弘先佩印綬
常羞叔度

原表梁王筠為王儀同瑩初讓表曰執玉獻金卒先五
等親冕迎輅光導百辟坐階遠大遂致隆滿自位昇朝
首職冠禮闈辭滿之願將際致仕之請方奏而思渥恩
膏昭獎必被寵章爰降朝野驚矚是以安石歸於固請
元規終以致讓況臣才質空疎器量庸淺而可以妄參
鉉席覲貌槐庭 沈約為始興王讓儀同表曰徒塵翠
幄方降紫泥以茲上令用隔下情況高擬萬石爰均八

命室等天潢服加黼黻出則高陪千乘入則仰司百揆
陛下道苞九舜明出十堯萬微必理一物興念有紆元
鏡暫垂止水 王僧孺為南平王讓儀同表曰臣聞石
瓠難剖用謝餅壘槐木云庇事垂丹牖逢聖徽天一朝
賞至非能聲均吳楚譽埒梁陳故以神夢紫霄心飛丹
掖品同儀比媿眩莫殊 陳江總太保蕭公謝儀同表
曰阪泉野戰曾無汗馬之勞代邸運籌又闕前戈之勇
薄伐專征早游邊外執玉奉酬又虧朝則王人降止朝
冊遠臨奉述勅書曲停表奏滄波阻夏旣杜敬仲之辭
關路悠長致絕趙襄之讓心馳紫路登文石而莫由目

送白雲拜承明而無日

原墓志梁簡文帝儀同徐勉墓志銘曰朱弓表瑞寶劍攸歸長瀾斯注瓜瓞含輝舉直斥偽校名責實朝有進賢野無遺逸

特進一

原杜氏通典曰漢制諸侯功德優盛朝廷所敬異者賜位特進位在三公下故成都侯王商以特進領城門兵置幕府得舉吏如將軍是也後漢皇后父兄率為特進侯朝會位次三公隋志曰特進舊位從公光武以鄧禹列侯就第加特進奉朝請是特進引見之稱無官定體也而竇篤進位特進得舉吏見禮依三公自

二漢及魏晉以為加官從本官車服無吏卒太僕羊琇遜位拜特進加散騎常侍無餘官故給吏卒車服其餘加特進者唯食其祿賜列班位而已不別給特進吏卒車服晉惠帝元康中定令特進位次諸公在開府驃騎上冠進賢兩梁冠黑介幘五時朝服佩水蒼玉食俸曰四斛太康三年始賜春絹五十疋秋絹五十疋冬絹五十斤元康元年給菜田八頃田驪八人立夏後不及田者食俸一年置主簿功曹史門亭長門下書佐各一人給安車黑耳駕御一人輅車施耳後戶一乘無章綬齊時位從公陳因之後魏北齊用人皆以舊德就閒者居之隋文帝以為散官不理事煬帝即位廢特進官唐為文散官傅咸集曰特進執皮帛坐侍臣之下

門下屬漢武特進執璧已有舊制今特進宜執璧繼公

齊職儀曰特進以功德特進見也

增文獻通考曰

宋制左右僕射為宰相官元豐更官制乃以特進換之

續文獻通考曰金從一品內中次曰特進下曰崇進

崇進古無元因之特進崇進皆正一品 明正一品

文武勲俱左右柱國階俱初授特進榮祿大夫陞授特

進光祿大夫 弇山堂別集曰明制階以特進為重而

勲尤以左柱國為崇特進而止柱國者有之未有左柱

國而不帶特進者也獨嘉靖十五年加武定侯太師左

柱國而不帶特進亦制之一變矣

特進二

增唐書曰唐儉為光祿大夫永徽初致仕加特進 又

高儉為吏部尚書進封涼國公高祖崩攝司空營山陵

加特進 宋史曰王安石元豐三年復拜左僕射觀文

殿大學士換特進 又陳執中代蔡京為相為尚書左

丞加特進制下大學諸生陳朝老詣闕上書曰陛下知

蔡京姦解其相印天下鼓舞有若更生及相執中中外

默然失望執中雖不敢肆為非法若京之蠹國害民然

碌碌庸質初無過人是猶以螽負山多見其不勝任也

文獻通考曰政和後薛昂帶觀文殿學士任特進白時

中以門下侍郎帶特進皆失舊制繼詔並改光祿大夫

特進

今後特進非宰相不除 又葉夢鼎咸淳三年再召為參知政事

詔著作郎盧鉞與台州守項公采趣行拜特進右丞相兼樞密使

特進三

原必與定議 漢書張禹傳曰禹以特進為天子師就第賜安車朝服賜養牛上樽酒國家每有大

政必與加崇諸侯 晉公卿禮秩漢制見禮如三公

漢書諸侯王位以特進給舉吏如五府 後漢永光三年

事為特進舉 **增**梁商安車馬 後漢書梁商女為皇

吏如五府也 趙典布被瓦器 後漢書曰趙典尊為國師

特進賜安 入則極言正諫 又曰陰識拜執金吾位特進入則

慕仲山甫匪躬之節 用掾吏皆天下俊哲 參議朝章國典 唐書曰魏徵

病數辭乃拜特進知門下省 特進宰相階官 宋史曰

會稽上書言時政秦檜忌其復用乃嗾王次翁論之

言特進乃宰相階官鼎錙請降而階官如故是未嘗罷

相也遂降散官 張浚以却敵除 又曰張浚以却

謫居興化軍 蔡以安撫加 又曰趙葵辭右丞相以觀文殿學

同時進階 閣奔山別集曰 明正德間楊廷和梁儲同在內

皆特 鄧禹罷三公位特進 東觀漢記建武中鄧禹

進特 曹洪以驃騎位特進 魏志曰文后父毛嘉以官廢

特進四 特進 唐元稹授李光顏加階特進并賜一子官制曰五

制 唐元稹授李光顏加階特進并賜一子官制曰五

設官部 特進

原居宥夏靈慶之中當蛇豕豺狼之窟將搯咽喉之要爰授腹心之臣厥有成功宜加茂典邠寧慶等州節度觀察處置等使金紫光祿大夫檢校司空上柱國武威郡開國公李光顏氣敵三軍心師百行叱咤則風雲迴合開宴而樽俎周旋蓋文武之全才真古今之良將是以淮蔡之役百勝功高青齊之師一面居最朕以蕭關尚警馬嶺猶虞五餌之詐可羞百雉之防爰度惟爾良能果諧予願比命有司褒乃實効僉曰古諸侯勲德優盛則就加特進以寵之我國家封植崇重則有朝請一子以異之子嘉乃勤兼用兩者茲謂上賞爾惟欽哉可

特進仍與一子正員四品常參官餘如故

原墓志梁孝元帝特進蕭琛墓志銘曰山東流水關西城市義府辭鋒風飛雲起遊楚宮梁桂馥蘭芳蓮花可賦迷迭成章學類五行書倅三篋已研金匱兼探玉牒石詞旣擬藥社茲同桃李成徑松柏為叢天地長久永扇高風 陳江總特進光祿大夫徐陵墓志銘曰耕耘書圃弋獵文塲藻思綺合尺牘繡揚辭奔太史筆利干將心緘武庫口定雌黃奉使巡採絕域遐深市朝遷貿陵谷相侵形寄王績名宣攀附高排閭闔鬱轉雲路年踰致仕齒及懸車夜漏方盡馳光復斜平原出宿庠序

為家隴愁宿霧松悲閒鳥地迴雲低山重樹小九原孤
月三泉送苑疇曩行役共上河梁子因病免君事遠將
痛心期之徂謝憫時代之銷亡冀鐫石於元冢留清風
於故鄉

大夫總裁

原食菜

陪臣

頌冰

理家者不敢失于臣妾大夫

立家

大夫立家

問富

問大夫之富曰有宰

食力祭器衣服不假

乘軒

詩曰羔裘美其大夫之詞

賜杖

見白帖

增毳衣

詩曰毳衣如茨注

羔裘美其大夫之詞

法山陵

又曰二十

綱紀

春秋漢含孽曰少微

原主

北大夫位主綱紀也

與民同衆

通人事

取去與民同利通於人事也

參國體

詳下

故新

掌論議

漢書百官公卿表曰大夫掌論議有太中

武帝元狩五年初置諫大夫秩比八百石太初元年更名中大夫為光祿大夫秩比二千石太中大夫秩比千石如

刑不上大夫

禮曰大夫

祿倍士

禮曰上下大夫

為筋脈臣

六韜曰二

者為筋脈之臣

為帝者佐

春秋漢含孽曰少微之

職參九卿

帝王世紀曰

卿漢官儀曰天子二十七卿

一國之高

文子曰取一國之高

四方之則

官

解詁曰光祿大夫諫議大夫

能

有德音

毛萇詩曰建邦

命器能詔使命能造登高能賦師旅能誓山川能說

紀能咏祭祀能語君子能此九者可以為有德音可以

可與國事

漢官儀曰感物造端才智深美可與

設官部

尚監類卷九十一

大夫總裁

可與國事

漢官儀曰感物造端才智深美可與

設官部

尚監類卷九十一

大夫總裁

尚監類卷九十一

尚監類卷九十一

夫交接鄰國以微言相感當揖讓之際稱

詩以喻其志別賢不肖而觀盛衰者也

白虎通曰大夫之為言大扶進人者

也故傳曰進賢達能謂之大夫也

溫故知新漢官

曰武帝以中大夫為光祿大夫於古禮為天子之大

視列國之上卿光祿大夫太中諫議大夫皆能溫故知

新率由舊章與參國體稽合同異皆能分明明古今辨章

舊聞講論五始謹按公羊傳云五始者元年春王正月

公即位元者歲之始春者四時之始王者受

命之始正者月之始公即位一國之始也

鴈三命為象法山陵也

于言言達於世不害于身通于關梁實于府庫

如此者舉以為大夫故大夫之事常在仁也

不可徒行論語曰顏淵死顏路請子之車以為之椁

大夫致仕賜之几杖謝禮曰大夫之後不可徒行也

方乘安車自稱曰老夫于其國則

稱名越國而問焉必告之以其制

光祿大夫

榮祿大夫 資德大夫 資政大夫

通奉大夫 中奉大夫 正議大夫

通議大夫 嘉議大夫 附

原杜氏通典曰秦時光祿勳屬官有中大夫漢武帝太

初元年更名光祿大夫漢志曰夫者扶也膚也詩曰殷

膚知能侍君父也銀章青綬掌議論屬光祿勳無常事唯顧問

應對詔命所使無員後漢光祿大夫三人凡諸國嗣王

之喪則掌弔多以為拜假贈贈之使及監護喪事魏氏

以來無員轉優重不復以為使命之官其諸公告老皆

加拜此位及在朝顯職復用加之

魏文帝以楊彪為光祿大夫賜几杖衣袍

因朝會引見命彪著布單衣鹿及西晉受命置左右光

皮冠杖而入待以賓客之禮

設官部

光祿大夫

祿大夫假金章紫綬而光祿大夫如故加金章紫綬並與卿同進賢兩梁冠黑介幘五時朝服佩水蒼玉并祿賜班位吏卒皆與特進同復以為優崇之制而諸公遜位不復加之其以為加官者唯假章綬祿賜班位而已不別給車服吏卒也或更拜上公或以本封食公祿其諸卿尹中朝大官年老致仕者及內外之職如此者前後甚眾由是或因得開府或進加金章紫綬又復以為禮贈之官本已有卿官者不復重給其餘皆給其假銀章青綬者位在金紫將軍諸卿下泰始中唯太子詹事楊珧加給事中光祿大夫加兵之制諸所供給依三品

將軍

晉宣帝了平原王幹拜光祿大夫其餘自如舊制如侍中特假金章紫綬班次三司

終武惠孝懷三世

食俸日三斛太康二年始給春絹五十疋絲百斤惠帝元康元年始給菜

田六頃田駒六人置主簿功曹史門亭長門下書佐各一人

大夫皆據舊齒位從公開府置佐吏如公年重加親信

二十人魏晉以來無員以左右光祿大夫光祿三大夫

皆銀章青綬其重者詔加金章紫綬則謂之金紫光祿

大夫其重者既有金紫之號故謂本光祿為銀青光祿

大夫晉時王翹之為樂安任選為光祿就王晏乞一片

金晏乃啓轉為金紫是也猶屬光祿勳梁又有左右金

紫光祿大夫視吏部尚書左右光祿大夫視諸曹並養

設官部

光祿大夫

光祿大夫

光祿大夫

光祿大夫

老病陳因之自晉以後多為兼官後魏有光祿大夫金紫銀青光祿大夫北齊皆以舊德就閒者居之與特進同後周有左右金紫左右銀青四光祿大夫隋有光祿大夫左右光祿大夫皆為散官不理事唐初猶有左右之名貞觀以後唯曰光祿大夫金紫光祿銀青光祿並為文散官按前代光祿大夫始加金章紫綬及銀章青綬者並尊崇之皆在光祿之上後魏定令誤遂因仍不改漢官解詁曰武帝以中大夫為光祿大夫與博士俱以儒雅之選異官通職周官所謂聯者也漢官儀曰光祿大夫秩比二千石不言屬光祿光祿勳門外特施行馬以旌別之百官表注曰光祿大夫古官

也銀章青綬詩云三事大夫莫不夙夜職掌言議毗亮論道獻可替否贊揚德化

增文獻通考曰宋元豐更

官制以金紫光祿大夫換吏部尚書銀青光祿大夫換

五部尚書以光祿大夫換尚書左右丞時宰相王珪任禮部侍郎同平

章事上以珪久不進官因改官制乃特授銀青光祿大夫金正二品上曰金紫光

祿大夫從二品上曰光祿大夫元正一品曰金紫光祿

大夫從一品曰光祿大夫明正一品授特進光祿大夫

從一品授光祿大夫榮祿大夫金置正二品下曰銀

青光祿大夫從二品下曰榮祿大夫元正一品下銀青

榮祿大夫從一品下榮祿大夫明正一品初授特進榮

祿大夫陞授特進光祿大夫從一品初授榮祿大夫陞
 授光祿大夫 資德大夫資政大夫資善大夫三階皆
 金置為正三品元為正二品明因之正二品初授資善
 大夫陞授資政大夫加授資德大夫 正奉大夫通奉
 大夫中奉大夫三階宋大觀間新置金為從三品元為
 從二品明從二品初授中奉大夫陞授通奉大夫加授
 正奉大夫 正議大夫通議大夫 嘉議大夫 原杜
 氏通典曰正議大夫通議大夫皆隋置散官蓋取秦大
 夫掌議論之義唐並因之 增續文獻通考曰宋元豐
 間更官制以正議大夫換六部侍郎并作一等以通議

大夫換給事中而嘉議大夫則金所置也金為正四品
 元為正三品明正三品初授嘉議大夫陞授通議大夫
 加授正議大夫

光祿大夫二

原漢書曰杜陵王仲翁出入蒼頭廬兒傳呼甚寵蕭望
 之守門願謂望之曰不肯碌碌反抱關乎望之曰人各
 有志 又元帝以少傅周堪為光祿大夫秩中二千石
 領尚書事 東觀漢記曰張湛字子孝為光祿大夫數
 正諫威儀不如法度者湛常乘白馬光武每有異政輒
 曰白馬生且復諫矣 樊英別傳曰詔書告南陽太守

曰五官中郎將樊英委榮辭祿不降其節今以英為光祿大夫賜歸家所在縣給穀千斛常以八月存高年致牛一頭酒三斛 魏志曰黃初四年光祿大夫楊彪詔給吏卒門施行馬 **增**太平御覽曰晉王蘊字修仁烈宗將納后訪于公卿對曰王蘊地望可與國婚 后既立徵拜金紫光祿大夫 又晉顧和字君季榮族子也二歲失父總角便有清操弱冠知名榮雅器之康帝即位為尚書僕射更拜銀青光祿大夫又遷左光祿大夫唐書曰魏徵進左光祿大夫鄭國公多病辭職帝曰公獨不見金在鑛何足貴邪善冶鍛而為器人皆寶之朕

方自比於金以卿為良匠而加礪焉卿雖疾未及衰庸得便爾 又李靖斥地自陰山北至大漠蕭瑀劾靖持軍無律縱士大掠散失奇寶帝召讓之靖無所辨頓首謝帝辭曰赦公之罪錄公之功乃進右光祿大夫賜絹千疋增戶至五百既而曰向人譖短公朕今悟矣 又劉洎字思道拜尚書右丞洎健于職于是尚書復治如魏徵時累加銀青光祿大夫 又郭曖尚昇平公主主坐事留禁中朱泚亂逼署曖官辭以居喪被疾既而與公主奔奉天德宗嘉之釋主罪進曖光祿大夫 又裴度平淮西策勲進金紫光祿大夫弘文館大學士晉國

公 宋史曰元豐官制行王珪由禮部侍郎超授銀青光祿大夫及哲宗立進金紫光祿大夫 又留正慶元時復觀文殿大學士初劉德秀自重慶入朝未為正所知謁正客范仲黼請為言正曰此人若留之班行朝廷必不靜乃除大理簿德秀憾之至是為諫議大夫論正四大罪自是彈劾無虛歲乃責授中大夫分司西京明年許自便復光祿大夫提舉洞霄宮俄復觀文學士金紫光祿大夫 又謝深甫字子肅慶元時參知政事內侍王德謙建節深甫三疏力陳不可蹈大觀覆轍德謙竟斥進金紫光祿大夫拜右丞相累乞避位寧宗曰卿

能為朕守法度惜名器不可以言去 元史曰伯顏平宋又擒反者乃進金紫光祿大夫知樞密院事 又李孟請告歸葬其父母十二月入朝帝大悅慰勞甚至延祐元年進金紫光祿大夫 又李好文為翰林學士承旨皇太子深敬禮之屢引年乞致仕至再三遂拜光祿大夫河南行省平章事仍以一品祿終其身 又尚文為尚書右丞武宗仁宗之世屢延致訪以國事進階自光祿大夫轉銀青光祿大夫 弇山堂別集曰洪武三年大封功臣李善長徐達皆特進光祿大夫左柱國常茂馮勝李文忠鄧愈皆榮祿大夫右柱國 又世宗初

政遣行人齋勅諭特進光祿大夫上柱國大學士劉健
曰卿年近九旬體履康泰全名盛福求之當代實鮮其
倫又勅諭光祿大夫大學士謝遷曰行將起卿于家得
聞猷告以輔朕不逮

光祿大夫三

原次丞相漢書曰谷永字子雲為光祿
周字允南遷光祿大夫
秩中二千石位亞九卿
登賢俊續漢書百官志曰光
護喪事立嗣王存
問耆老延登賢俊
給牀帳晉紀曰光祿大夫致仕多
卒門施行馬
長公當與漢書曰夏侯勝字長公為光
勝當乘輿前諫曰天久陰而不雨臣下有謀上者
陛下出欲何之王怒謂勝為妖言縛以屬吏也
子

橫斷鞅汝南先賢傳曰郭憲字子橫為光祿大夫帝欲
乃當車拔佩刀以斷車鞅帝不止到公農
穎川兵起乃還上曰梅不用光祿大夫言
華嶠漢書曰樊宏字靡卿為光祿大夫
位特進宏為人謙卑畏慎不敢苟進
曰光祿大夫賜芝清約
者艾不逾上賜絹三百疋
秩二千石漢書貢禹傳
為光祿大夫項之書曰
二千石床錢月萬之二千
蒙也伏自念終以仰
報厚德日夜慙媿而已
俸月三出則奉車
十餘年小心謹慎未
嘗有過其見親信
出則驂乘又曰金曰
過失則其信愛之賞賜累
千金出則驂乘入侍左右
用為光祿比秩三公不趨
辟主劍履上殿入朝不趨
設官制

光祿大夫

太官致膳

卿瑯琊人

右光祿大夫門施行馬賜牀帳被褥敕太官四時致膳
固辭不受于時論者以王導帝之師傅名位隆重百寮
宜為降禮太常馮懷以問于舍舍曰王公雖重理無
偏敬降禮之言或疑是諸君事宜鄙人老矣不識時務

倪寬經學漢書曰倪寬以侍御史見上語經學
明經又曰王根薦房鳳明經

荀邃善論荀氏家傳曰邃字
甚悅之遷御史大夫

論遷光股肱之寄大夫周羅史部尚書進銀青光祿
肱之寄要在假羽翼股肱之寄大夫帝嘗以飛白書賜周曰鸞

宗勉為公清之相以光祿大夫觀文殿大學士致騰嘗以
度抑僥倖不私親黨名用老成樂聞讜言趙汝騰嘗以

尚書存問部尚書韓文曰明嘉清初勅論光祿大夫戶
有旨起用特先遣真人考滿又曰世宗時真人陶仲

行人齋勅存問

滿加特進
光祿大夫
原主父言世務
漢書曰主父偃上書言世
安在何相見之晚也乃遷為郎中偃數上書言事遷

吾丘對寶鼎又吾丘壽王傳曰壽王字子願為光祿大夫
甘泉宮羣臣皆上壽賀曰陛下得周鼎始乎后稷長于公劉

鼎上間名而問之對曰臣聞周德始乎后稷長于公劉
所不通上天報應鼎為周出故名曰周鼎今漢自高祖

繼周亦昭德顯行布恩惠六和同鼎於天下漢自高祖
祖業功德愈盛天瑞並至珍祥畢見昔秦始皇親出鼎

于彭城而不能得天祚有德而寶鼎自秦始皇親出鼎
出此天之所與漢西漢寶鼎也

又曰灌嬰數力戰灌嬰數力戰
大夫案漢武光祿大夫為中
數切諫不得久留
內遷東海太守
周堪領尚書
守詔曰周堪為河東太
服出而試之三老官屬詠頌甚美每使者過郡靡人
不稱令微堪為光祿大夫秩中二千石領尚書事

鄧晨監諸將伯後漢書鄧晨傳曰晨字偉卿光武嘗與兄少公頗學圖讖言劉秀當為天子或曰是國師公等讖語乎光武戲曰何用知非僕邪坐者皆大笑晨心獨喜建武三年徵晨還京師數譙見說故舊平生為歡晨從容謂帝曰僕竟辦之帝大笑從幸章陵拜光祿大夫使持節監鄧陵金吾賈復等常惠勤勞拜少時家貧自奮應擊平邵陵新息賊等勤勞拜見拘留十餘年谷永才昭帝時乃還漢嘉其勤勞拜為光祿大夫陰為大將軍能徵漢書曰谷永待詔公車為上第永祿大夫永奏書謝鳳曰永斗筲之能實最薄由是擢為光祿大夫永奏書介將軍說其狂言擢之卑衣之吏測之日之雅左右之增以待郎進階宋史曰孫固字和父元祐時為門下侍帝東宮時舊臣今帝新聽政勉留輔導或體中未安取文書于家治之可也固感激強起視事累官光祿大夫加銀青留相父夢至一室勝曰張萬輔幼聰悟善讀書已

而萬公生因以名焉章宗時為相呼光祿不名元史屢上章以病告加銀青光祿大夫國禎字進之世祖在潛邸以醫徵至國禎納諫從征雲南機密皆得參預朝夕未嘗離左右或在告帝輒不悅設諫官建學校等事多施行凡所薦則皆知名士帝服色近臣言及勳舊大臣因謂國禎曰朕昔出征同履艱難者惟卿數人在爾遂拜集賢大學士進階光祿大夫每進見帝呼為許光祿而不名由是賜上尊命餞又曰內外諸王大臣皆以光祿呼之夫皇慶間為翰林學士承旨後以病乞骸骨不允命近臣撫視且勞之曰卿世祖舊臣惟忠惟貞其勉加餐粥少留以副朕心鉅夫請益整特授光祿大夫賜原鼂上尊命廷臣以次餞于齊化門外給驛南歸錯高第乃遷漢書曰鼂錯對策當時有百餘人惟錯為光祿大夫陳宮文武擢拜會稽典錄曰上見天下郡制大夫何郡郎對曰有文有武未知所如又問何施答曰文為顏氏春秋武為孫吳兵法上擢拜大夫武設官部

光祿大夫

三

亥朝論歸美

晉諸公贊曰武陔遷為右光祿

賀循儒

者為榮

晉中興書曰賀循字彥先拜左光祿大夫開府

口不能言而指麾者三焉往還皆拜儒者以為榮手

常袞散官無封

唐書曰常袞為相散官纔朝議而無封

趙葵宣力特授

宋史曰趙葵平李全帝曰卿在行陣又能率父子

相兼樞密使

四儒臣所難特授光祿大夫右丞

延世河決塞隄

漢書溝洫志曰成帝初河隄成上曰東郡河

決流漂二州校尉

延世隄防三月立塞其以五年為河

平元年辛治河者

為著外繇六月惟延世長于計策功

費約省用力日寡

朕甚嘉之其以延世為光

五原築障

漢書匈奴傳曰太初三年匈奴黎湖單于立漢

使光祿徐自為出

五原塞千餘里築城障列

亭至盧胸按師古曰

言楚詞武帝甚悅

又朱買臣傳

薦買臣名也胸音幼

舉賢良武帝嘉之

又董仲舒傳曰

武帝即位舉賢良文學之士前後百數而仲舒以賢良

對策焉制曰朕欲聞大道之要至論之極今子大夫哀

然為舉首

朕甚嘉之

論辨便宜大臣數屈

又嚴助傳曰舉賢良

助對由是獨擢助為中大夫因言國家便宜令武帝善

臣辨論中外相應以義理之文大臣數詘帝猶親幸焉

時訪大議據經以對

不與政事以儒行見禮

荀勗以左光祿開府

書曰荀

議輒據經以對而後生

荀勗以左光祿開府

書曰荀

好事者亦各問所疑焉

荀勗以左光祿開府

書曰荀

勗字公曾為光祿大夫儀同三司開府

荀勗以左光祿開府

書曰荀

大吏充士尤甚勗陳宜立都水使者其後門下啓通事

荀勗以左光祿開府

書曰荀

增置文法之職適恐便耗擾盡國臣竊謂不可

荀勗以左光祿開府

書曰荀

寔以右光祿開府

荀勗以左光祿開府

書曰荀

又曰劉寔字子真加侍中特進右光

荀勗以左光祿開府

書曰荀

祿大夫開府儀同三司領冀州都督

荀勗以左光祿開府

書曰荀

劉

荀勗以左光祿開府

書曰荀

劉

荀勗以左光祿開府

書曰荀

劉

荀勗以左光祿開府

書曰荀

劉

荀勗以左光祿開府

書曰荀

增 敬歷省臺五十餘年

元史曰趙世延為御史丞劾

及仁宗崩帖木迭兒復相銳意報復屬其黨誘世延弟

誣告世延罪逮至繫刑曹再歲其弟自以所訴涉虛亡

去乃得釋泰定元年復為御史中丞有旨趙世延頃為

權蓋所得誣中書官編移天下昭雪其非幸仍加翰林承

旨進階光祿大夫世延歷事

九朝敬歷省臺五十餘年

歐陽元歷事累朝且修三史超授翰林學士進階光祿

大夫凡宗廟朝廷雜文大冊播告萬方制誥皆出其手

原常林告老為光祿大夫

魏志曰常林時論以林節

標清峻欲致之公輔而林

遂稱疾篤拜

下壺乞解拜光祿大夫

晉書曰下壺廉

光祿大夫

約息當婚詔特賜錢五十萬固辭不受後忠

面創累乞解職拜光祿大夫加散騎常侍

光祿大夫四

原表 梁丘遲為柳僕射讓光祿表曰竊聞敬孫以規獻

為職壽品常貴飛翠鳴玉升降禁明臣以疴疾豈伊或

忝匪稱其服終朝三褫近取諸身皎日非喻臣之庸薄

久塵物論假以克壯報效無階而嬰離沉痾日月滋甚

聖朝留簪履之舊愍降帷蓋之餘矜榮不徒行事存寵

濕

原 誅魏曹植光祿大夫荀侯誅曰如水之清如玉之潔

法而不威和而不繁百寮士庶歛衽嚮機女投杼農

夫輟耕輪結轍而不轉馬悲鳴而倚衡

太中大夫 中大夫 中散大夫 中順大夫

朝議大夫 中議大夫 朝請大夫 中憲大夫 朝散大夫 中憲大夫 奉直大夫

奉政大夫 奉議大夫 奉直大夫

太中大夫

杜氏通典曰太中大夫秦官亦掌議論漢因之哀帝初立

御史大夫王嘉奏曰蘇令發起為盜欲遣大夫為使時

見大夫無可使者召蘇厘令尹逢拜為諫議大夫遣之

今諸大夫有材者後漢置二十人魏置廣置職位以自

甚少宜預養也

中大夫使持節官皆王者之器非人臣所當置也曰夫太

廣云諫議光祿太中中散大夫此四等子古禮皆為天

子之下大夫魏以來無員晉視中丞吏部絳朝服進賢

列國之上卿

一梁冠介憤太始末詔除王覽為太中大夫祿賜與卿

同梁北齊皆有唐亦有之

增宋元豐官制行以太中

大夫換諫議大夫神宗以寄祿官等給減少遂以太中

大夫為宰相官故蔡確時右諫議大夫叅知政事先換

太中大夫及拜相則依前太中大夫守尚書右僕射兼

中書侍郎遂為定制其後又以太中大夫以上為侍從

官元豐中自太中大夫至金紫止六階昔之五部尚書

今為一官六部侍郎為一官是十一官并為兩官矣

左右承左右諫議亦并四官為兩官其後增置通奉正

奉宣奉三階自太中大夫以上惟宰執侍從乃得遷

金為從四品元明為從三品 中大夫秦官漢武改為

光祿大夫自後無聞北齊有之唐又置之龍朔二年七

子封郡王皆出 宋元豐更官制以中大夫換祕書監

而殿中監本一等其時偶闕任殿中監者故只著祕書

監神宗以太中大夫為宰相官故初除執政只授中大

夫是時拜翰林學士蒲宗孟王安禮為左右丞兩人寄

祿官皆未至大夫只除中大夫守之金元明品同上

亞中大夫元置金增置少中大夫元延祐改亞中大夫

金從四品上曰太中大夫中曰中大夫下曰少中大夫

元從三品上曰太中大夫中曰中大夫下曰亞中大夫

明從三品初授亞中大夫陞授中大夫加授太中大夫

原中散大夫王莽所置後因之後置三十人漢官曰

興魏晉無員齊梁視黃門侍郎品服冠幘與太中同陳

亦有之唐又置之增宋更官制惟光祿大夫及中散

朝議二大夫分左右金元以後無中議大夫中憲大

夫中順大夫金增置正五品上曰中議大夫中曰中憲

大夫下曰中順大夫元為正四品明正四品初授中順

大夫陞授中憲大夫加授中議大夫原朝議大夫隋

置散官以取漢諸大夫得上奉朝議為名唐因之增

宋元豐更官制自朝議至中大夫凡三階金元無明有

增朝請大夫隋置散官取漢將軍公卿年高德重者

以列侯就第特進奉朝請之義唐因之龍朔制諸王眾

品上散官增宋金元俱有明為從四品原朝散大夫

隋置散官唐因之自正議以下今並為文散官增又

續文獻通考曰宋金元俱有明無朝列大夫金置舊

曰奉德大夫天德二年改朝列金從五品上曰朝請大

設官部

尚書類考卷九十七

太中大夫

夫中曰朝散大夫下曰朝列大夫元因之為從四品明
從四品初授朝列大夫陞授朝散大夫加授朝請大夫
奉政大夫奉議大夫金增置元改奉政為朝政明如
金制金正六品上曰奉政大夫下曰奉議大夫元正五
品上曰朝政大夫下曰奉議大夫明正五品初授奉議
大夫陞授奉政大夫 奉直大夫奉訓大夫金增置元
明俱因之金從六品上曰奉直大夫下曰奉訓大夫元
為從五品明從五品初授奉訓大夫陞授奉直大夫

太中大夫二

原數存問 東觀漢記曰張湛為太中大夫病居
東門候舍人號東門君帝數存問 數引

見又曰張純字伯仁為太中大夫在朝累世明習故事
引武初舊典多闕每有疑議輒以訪純一曰或數四
見賜牀帷減榮緒晉書曰爰郡字文伯老乞骸骨詔
賜如所上拜太中大夫賜錢三十萬牀帷
與御同給安車傅子曰魏明帝以管寧為太中大
安穩積合璧事類曰中大夫班品甚崇祿
車一乘 **增**示優異餼亦厚著為定員有闕則補惟左
右近侍得以歲月躡次進一階唐書曰李朝隱為侍
而百員遷長安宦官問興有所干請曳去之睿宗嘉歎
後御承天門對百官及朝集使褒論其能進太中大夫
階 **原**橋元謙儉張璠漢記曰橋元字公祖謙儉下士
無餘業當時韓暨高潔魏志韓暨傳明帝景初二年
稱為名臣 **增**獨行君子魏志曰
德志節高潔年踰八十守道彌
固可謂純篤老而益劬者也
幼安北海朱虛人年十六喪父中表愍其孤貧咸共贈
賻悉辭不受長八尺美鬚眉與平原華歆同郡郡原相
設官部 **太中大夫**

友黃初四年詔公卿舉獨行君子司徒等
 敵薦之文帝以為太中大夫固辭不受
 唐書曰劉禕為中書侍郎時司門員外郎房先敏坐
 累貶衛州司馬所于相府內史騫味道謂曰太后旨禕
 之曰乃上從有司所奏耳后聞曰君為元首臣為股肱以
 州刺史加禕之太中大夫因曰君為元首臣為股肱以
 乎足疾移于腹背尚為一體
 大夫在中最
 為高大也
 增書生知兵
 宋史曰理宗時王居安以
 周閣直學士轉太中大夫將行鹽寇起寧化居安以書
 諭汀守曰上痔民貧業於鹽可盡禁邪日彼既執三首
 惡以自贖他可勿治部使者遣軍將提兵往軍潰事聞
 命居安留招捕賊即引居安以書生於兵事不學而
 知
 原文帝悅賈誼漢書曰賈誼年三十餘最為少每
 為之對人各如其意所出
 下諸老先生未幾能言誼盡
 朝廷訪鄭興鄭興為太
 增諸儒相論議魯不字叔
 中大夫數上便宜多見用
 朝廷每有大議輒訪焉

陵遷中散大夫時賈逵薦不道藝深明和
 帝朝會名見諸儒相難數事帝善不說
 之左氏來飲字君叔南陽新野人有志慷慨治春秋
 飲大夫太田豫食卿祿魏書曰田豫為衛尉乞遜位
 位警猶鐘鳴漏盡而夜行不休是罪人也
 遂固稱疾篤因拜太中大夫食卿祿焉
 例晉錄曰太中大夫新蔡男素與志高表行所
 肩輿以朝唐書曰韋思謙重之例別給更四人
 致仕大夫事經韓大夫先出使史曰太中大夫韓琦字君玉
 不忘澶州民懷思之他日郡守欲有所為
 民必曰此事已經韓大夫矣以故輒止
 中元史曰宋本字誠夫元統間為集賢院直學士兼國
 夫子祭酒兼經筵官本階官自承務郎十轉至太
 設官部
 布衣叨三品遼金宋史名澤民赴關除國子司業
 太中大夫

與修史書成遷集賢直學士階太中大夫即移書告老

大學士和尙欲留之澤民曰以布衣叨榮三品志願足矣遂致

賜與卿同門原說詩高祖之前漢書曰陸賈拜太中

亦施行馬詩書曰居馬之曰乃公居馬上得之安事侍講華光

之內後漢書曰劉寬字大鏡典歷三郡溫仁多

教弄公卿漢書曰東方朔字曼倩為太中大夫給事中

無所為屈文舉愛才樂酒拜張璠漢記曰孔融字文舉

賓客日滿其門愛才樂酒嘗歎曰坐魯不道藝深明

上客常滿尊中酒不空吾無憂矣

詳諸儒相嵇康風姿清秀晉書曰嵇康字叔夜風姿

論議注朝賀待以師禮拜太中大夫年七十每朝賀

散大夫散大夫

帝待以師致仕秩與卿同見門亦施定官名與禮

樂漢書曰賈誼遷太中大夫奏為漢興三十餘年天下

儀法下詔調天下逋負盡還流人射兼門下侍郎上其言數

敢言多不協言事者助布排忠彥以欽聖欲復廢后為

忠彥罪降為原使南越尉佗稱臣漢書曰陸賈使南

越王卒令佗稱臣奉漢約歸報會東郡盜賊請降續

命高帝大悅拜賈為太中大夫

書曰耿純字伯山以威信著于衛地遣使拜太中大夫

使與大兵不行風俗多所舉稱大夫使行風俗多所舉

戰而還在朝廷數上便宜續漢書曰梁統字仲寧

稱貶黜奉名見宣室對得失書

使稱意以為當今法令既輕下

陳便宜重刑罰以遵行舊典

設官部附錄頁函卷九十七

太中大夫

太中大夫

曰王嘉守公仲為長陵尉鴻嘉中舉敦朴能
直言名見宣室對政事得失遷太中大夫
徵詰明
堂問治亂又曰武帝初臧綰請立明堂以朝諸侯不能
以安車蒲輪迎申公問治亂之事對曰為治者不在多
言顧力行何如耳是時上方好文辭見申公對默然然
已招致即以
為太中大夫

諫議大夫

原杜氏通典曰諫議大夫秦置諫議大夫掌議論無常
員多至數十人屬郎中令至漢武帝元狩五年始更置
之後漢增諫大夫為諫議大夫後漢書曰來歙父仲哀
帝時為諫議大夫誤矣
亦無常員二漢並屬光祿勳韋彪字孟達上疏曰諫議
職應用公自十通才
譽正有補益于朝者今或從微
試輩為之不宜也自後無聞矣後魏亦曰諫議大夫北

齊有七人屬集書省後周地官府有保氏下大夫規諫
於天子蓋其任也隋亦曰諫議大夫置七人屬門下
省煬帝廢之唐武德五年復置屬門下王珪為諫議大
夫嘗有諫論太
宗稱善遂詔每宰相入內平章大計必使諫官隨入與
開政事貞觀十七年太宗問諫議大夫褚遂良曰舜
造漆器禹彫其俎當時諫者十有餘人食器之間苦諫
何也對曰雕琢其器農事繁組傷女工首創奢淫危亡之
漸漆器不已必金為之金器不已必玉為之所龍朔二
以爭臣必諫其漸及其滿盈無所復諫上然之
年改諫議大夫為正諫大夫武后臨朝垂拱二年特置
堂令正諫大夫補關拾遺等一人充使知匭事每日有
所投書至暮即進天寶九載改匭為獻納至德元年復
改為後又置諫議大夫屬中書延載元年山久武付方
開元以來廢正諫大夫復以諫議大夫屬門下凡四人

設官部

尚書省

諫議大夫

掌侍從規諫

後至德元年九月制諫議大夫論事自今以

諫官十日

上封事直論得失無假文言冀成殿最用

存沮勸大曆七年二月其四員外內供奉不得過正員

數貞元四年五月分爲左右

各四員其右諫議隸中書省

初學記曰百官志諫議

大夫秦官也漢初不置至武帝始因秦置之無常員皆

名儒宿德爲之隸光祿勳漢武改郎中光武增議字爲

諫議大夫置三十人屬光祿勳魏依漢氏而晉宋齊並

不置五代史百官志云梁陳亦置北齊依後魏集書省

置諫議大夫七人隋門下省置七人唐因之減置四又

增宋史曰宋門下省置左諫議大夫左司諫左正言

各一人同掌規諫諷諭凡朝政闕失大臣至百官任非

其人三省至百司事有違失皆得諫正國初雖置諫院

知院官凡六人以司諫正言充職而他官領者謂之知

諫院正言司諫亦有領他職而不預諫諍者 事文類

聚曰元豐正名左右諫議大夫爲諫垣之長專言責焉

左隸門下省右隸中書省靖康元年詔臺諫天子耳目

之官宰執不當薦舉當出親擢立爲定制建炎三年詔

諫議大夫不隸兩省別置局於後省之側許與兩省官

相見議事以登聞鼓院隸焉紹興二年詔中書門下後

省諫院官吏並依舊赴三省內原置局處使職 續文

獻通考曰金諫院無所屬設左右諫議大夫皆正四品

設官部

諫議大夫

諫議大夫

諫議大夫

諫議大夫

諫議大夫

諫議大夫

諫議大夫

諫議大夫

諫議大夫

諫議大夫

諫議大夫

諫議大夫

諫議大夫

諫議大夫

諫議大夫

諫議大夫

諫議大夫

門下平章事諫曰即賊平主必歸葬今行道宜從儉以
濟軍興帝怒謂陸贄曰唐安之葬今累璧為浮圖費甚
寡約不容宰相關預苟欲指朕過耳贄

出入討議耳目之官獻納之地也
原朝夕論思

徵孔光經學舉方正徵對策拜諫議大夫音舉武賢良

注正**增**賜食廳編次垂拱殿伏奏宗史曰陳彭年真

夫兼秘書監詔就賜食廳編次太宗御集又曰孔道

輔明道二年為右諫議大夫會郭皇后廢輔率諫官孫

祖德等十八人請垂拱殿伏奏

增得體宋史曰田錫字表聖太平興國間釋褐居諫官

臣風之體即上對宰相稱錫得爭知體金史曰高汝礪字

諫議大夫三

司郎中一日奏事紫宸殿時侍臣皆迴避上所御涼扇
偶墮案下汝礪以非職不取以進奏事畢上謂宰相曰
高汝礪不進扇可謂知體矣未幾擢為左諫議大夫

守上疏曰陛下憂人出諫官為郡甚大惠也所謂憂

未而棄本朝無正人則不知過國無達士則不聞善

問廷爭唐書曰劉栖楚為右拾遺敬宗立視朝常晏數

容揚袂使去栖楚曰不聽臣言臣請死于此有詔慰諭

後諫官對廷英帝問向廷爭者在邪以諫議大夫召之

旌直臣宋史曰竇偁字日章太宗尹京時為判官時

稱琰與會琰言矯誕偁叱之曰巧言令色太宗嘗宴諸王

上愕然因罷會出偁為彰義節度判官太宗嘗責琰此偁

遷左諫議大夫進參知政事上謂偁曰汝何能臻此偁

曰陛下不忘舊臣太宗曰非也卿能以公正責賈琰朕

旌直臣**原**安集關西華僑後漢書曰鄭興更始立

行天下後漢書曰江革少孤奉母遊學探拾以為養母

設官部開臨頌卷九十七

諫議大夫

三

思革至行詔長吏歲時存問致羊酒以終厥身如不幸祠以中牢巨孝之稱行于天下

增見卿

延英唐書曰鄭覃為諫議大夫穆宗不御願宰相蕭俛曰是皆何人俛曰諫官也帝意解乃詔覃曰閣

又曰柳公權為學士與周舉同對論事不阿墀為懦恐公權益不奪帝徐曰卿有爭臣風可屈居諫議大夫

更日供奉又曰戴胄拜諫議大夫

字君嚴累擢諫議大夫條上四事中人劉希光受賄二十萬緡抵死吐突承璀坐厚善遂為淮南監軍太子舍人李涉知帝意投匭上言承璀有功不可棄幾得副章不肯受面質讓之涉更因左右以聞劾奏涉結近倖

營岡上聽詔斥涉峽州司馬官寵側目

人為危之幾獨白以適所志軒軻其得

高元裕字景圭為右補闕敬宗視朝不時稍稍決事禁中宦監恣放大臣不得進見元裕諫曰今西頭勢乃重南衙樞密之權過宰相帝頗悟換侍御史

士皆相賀李宗閔高其節擢諫議大夫

不辱吾筆

宋史曰程琳字天球以右諫議大夫兼御史中丞

戒貪進又曰張師德兩執政凡所薦人皆人未嘗知諫議大

敏中為從容明之及議知制誥且曰可憐張師德敏中

吾門狀元及第榮進素定但當靜以待之耳若復奔競

使無階而入者當何如也敏中啓以師德之厚耳敏中固

處安得有人敢輕毀人但第緩之使師德待我薄耳敏中固

稱有闕望公弗遺且曰第緩之使師德待我薄耳敏中固

敦薄也諫議尚左事又曰呂端以右諫議大夫寇準亦拜參知

政事端諫議尚左事又曰呂端以右諫議大夫寇準亦拜參知

諫議大夫金故事諫官詞臣入

直禁中上閣其勞免其入直

為御史大夫將陵主簿高德溫大收稅戶米逮獄汝霖

具一法上時德溫有女在宮掖世宗責其願徇汝霖跪

謝上顧左諫議大夫楊伯仁曰臺官不正如何伯仁對

曰罪疑惟輕故具二法上請在陛下裁斷耳且人材難

設官部

月監領名卷九十七

諫議大夫

得與其材智而邪不若用愚而正者

上作色曰卿等皆愚而不正者也

曰王安石在臺閣侍從時每為人言唐太宗令諫官隨

宰相入閣最切于治道後世所當遵行也及入司政事

而孫莘老李公擇在諫職熟聞荆公此論遂列奏惟

請舉行荆公乃曰是又益兩參知政事矣不許

喜諫議得君謂普惠曰張普惠為諫議大夫任城王登

原明洛水必不入楚國先賢傳曰陳宣字子興拜諫

校欲築塞之宣曰昔周公卜洛以安宗廟為萬世基水

未嘗入城門今數為災異人主之過不可解塞之無益

昔王尊尚修已以讓災異況朝廷

乎固知水必不入言絕而水退也

後漢書曰陳禪字紀山拜諫議大夫永寧元年西南夷

揮國王獻樂及幻人能吐火自支解易牛馬頭離席舉

會作之于庭安帝嘗與羣臣共觀大奇之禪獨離席舉

手諫曰昔齊魯為夾谷之會齊作侏儒之樂仲尼誅之

帝王之庭不宜設此尚書陳忠劾奏禪廷訕朝

政請下禪獄詔勿收左轉為元菟候城障尉也

增未

嘗不循序而進

宋史曰徐俯字師川為司門郎建炎初

以為諫議大夫中書舍人程俱言俯以前任省郎遠除

諫議自元豐更制以來所未有考之古今非陽城種放

未嘗不應者命之不報

以所應者命之不報

徵事太宗曰益親或引至臥內訪天下事徵亦自以不

世遇乃展盡底蘊無所隱凡二百餘奏無不剴切當帝

心者由是拜尚書

居職七日上事六十章

宋史曰張

破的由來事先鋒孰敢爭思飄雲物外律中鬼神驚毫

髮無遺恨波瀾獨老成

武元衡送張諫議赴闕詩曰

諫議大夫

詔書前日下丹霄頭戴儒冠脫皂貂笛怨柳營煙漠漠
雲愁江館雨瀟瀟鶴鴻得路爭先翥松桂凌霜貴後彫
歸去朝端如有問玉門關外老班超 王建寄韋諫議
詩曰百年看是暫時閒頭白求官亦未閑獨有龍門韋
諫議三徵不起戀青山 宋王安石送鄆州知府宋諫
議詩曰盛世千齡合宗工四海瞻天心初籲俊雲翼首
離潛德望完圭角儀刑壯陸簾徐鳴蒼玉珮盡校碧牙
籤綸掖清光注鑿坡茂渥霑文明誠得主政瘼尚煩
右府參機務東塗贊景炎廟謨資石畫兵略倚珠鈴坐
鎮均勞逸齋居養智恬謳謠喧井邑惠化洽蒼黔進律

朝章舊疏恩物議僉通班三殿邃徙部十城兼露龍
旗盛提封虎節嚴頒春回紺幟問俗卷彤檐舟楫商巖
命熊羆渭水占冶裝行入觀金鼎重調鹽

原箴後漢崔寔諫議大夫箴曰於昭上帝迪茲既哲匪
於水鑿惟人是察處有誦訓出有旅賁木鐸之求爰納
適人各有攸訊政以不紛昔在大禹拜承昌言癸辛暴
戾虐及於天逮于周厲慢德不蠲煦煦胥讒人謗乃作
不顧厥愆是討是格庶類不堪流之彘宅防人之口譬
諸防川豈不速止潰乃潺湲潺湲尚塞言擁為賊默默
之患用顛厥國諫臣司議敢告執翼

增論唐韓愈爭臣論曰或問諫議大夫陽城於愈可以為有道之士乎哉學廣而問多不求聞于人也行古人之道居于晉之鄙大臣聞而薦之天子以為諫議大夫人皆以為華陽子不色喜居于位五年矣視其德如在野彼豈以富貴移易其心哉愈應之曰是易所謂恒其德貞而夫子凶者也陽子在位不為不久矣聞天下之得失不為不熟矣天子待之不為不加矣而未嘗一言及于政視政之得失若越人視秦人之肥瘠忽焉不加喜戚于其心問其官則曰諫議也問其祿則下大夫之職也問其政則曰我不知也有道之士固如是乎哉

通議郎	朝議郎	承議郎	承德郎	承直郎
儒林郎	承務郎	宣德郎	通直郎	
朝請郎	朝散郎	文林郎	承事郎	宣義郎
給事郎	徵事郎	承奉郎	從仕郎	修職郎
通議郎	修職郎	迪功郎	將仕郎	登仕郎
將仕郎	登仕郎	將仕郎	附	議郎
童子郎				

杜氏通典曰通議郎隋置散官隋文帝于吏部別置通議朝議朝請朝散給事承奉儒林文林等八郎武騎屯騎驍騎遊騎飛騎旅騎雲騎羽騎八尉其品則正六品以下從九品以上皆為郎下皆為尉散官番直唐改通議為奉議郎顯制縣公出身宋有金元明無原朝議郎承議郎顯慶五年八月制郡公增宋無並隋置散官唐因之顯慶五年八月制郡公增宋無朝議郎有承議郎金元明俱無承德郎承直郎承德

設官部

附錄通典卷九十七

通議郎

郎金所更定承直郎古無此階宋崇寧二年置承直郎
以下七階換舊制選人七階金正七品上曰承德郎下
曰承直郎元為正六品明正六品初授承直郎陞授承
德郎 **原**儒林郎承務郎儒林郎隋置散官蓋取前史
儒林傳之義唐因之承務郎唐置蓋因隋尚書省二十
四司承務郎之名也 **增**宋至明俱有金從七品上曰
承務郎下曰儒林郎元為正七品明從六品初授承務
郎陞授儒林郎儒士出身 **原**宣德郎隋置散官唐因
之 **增**宋政和間避宣德門改為宣教郎金元無明正
六品內宣德郎吏才幹出身 **原**通直郎隋置三十人

蓋採晉宋以來諸官皆有通直謂官高下而通為宿直
者也因此為名唐因之 **增**宋自通直郎以上係陞朝
官金元以後無 **原**朝請郎隋置散官蓋採晉宋齊梁
陳並有奉朝請為名唐因之 顯慶制侯出身
正七品上敘 **增**宋有
金元以後無 **原**文林郎隋置散官蓋取北齊文林館
徵文學之士以充之義唐因之 **增**宋至明俱有承
事郎古無此階宋元豐更官制以承事郎為狀元及第
宰相任子之初官金正八品上曰文林郎下曰承事郎
元為正七品明正七品初授承事郎陞授文林郎儒士
出身 **原**宣義郎隋置游騎尉散官唐改為宣義郎蓋

設官部

通直郎

通議郎

取梁宣義將軍之名

顯慶制男出身從七品上敘

增宋有金元無

明正七品內宣義郎吏才幹出身

原給事郎徵事郎

承奉郎隋置散官唐因之

增宋無給事徵事元豐更

官制以承奉郎為執政任子初官金從八品有徵事郎

元為從七品明改為徵仕郎 從仕郎金置從八品上

曰徵事郎下曰從仕郎元為從七品明從七品初授從

仕郎陞授徵仕郎 修職郎迪功郎宋所更定金元無

明正八品初授迪功郎陞授修職郎 修職佐郎迪功

佐郎明從八品初授迪功佐郎陞授修職佐郎 **原**登

仕郎唐置 將仕郎隋置散官唐因之自通議以下金

並為文散官

增續文獻通考曰宋政和年間改登仕

郎為修職郎改將仕郎為迪功郎以從政修職迪功郎

易通仕登仕將仕郎其通仕登仕將仕三階係奏補未

出官人金復置正九品上曰登仕郎下曰將仕郎元為

從八品明正九品初授將仕郎陞授登仕郎 登仕佐

郎將仕佐郎金大定十四年增置從九品上曰登仕佐

郎下曰將仕佐郎元為從八品明從九品初授將仕佐

郎陞授登仕佐郎 杜氏通典唐散官自五品依本品衣

服而無祿俸不朝會自六品以下黃

衣執笏于尚書省分番上下兩番以上即便隨番許練

通時務者始得參選武德令執事高者解散官次一階

不至者為兼職事卑者不解散官貞觀十一年改今職

事高者為守職事卑者為行其次一階依舊為兼與當

階者皆散官階相當無行無守其子孫用廢皆依
散官其後類例分錯難可悉舉乾封元年正月用
勳轉乾封以前未計階至朝散大夫三品以下恩
五年品者多因前未計階至朝散大夫三品以下
入乾封以後始有泛階入五品若滿三計至即進
宋初省臺寺監之官特以寄祿皆不領本職神宗
三年始按唐六典肇新官制凡省臺寺監空名者
切罷去而易之以階文階朝散朝奉承議奉議通
金部階止舊少朝議朝請朝散朝奉承議奉議通
直承務承事承奉從仕從政將仕皆金所更定也
勅授則中書署牒宣授則以制命之品至九品為
紫六品至七品者服緋八品至九品者服綠五品
散官自榮祿大夫至登仕郎九品者服綠五品
授加授以歷考為差在京文職初授散官春秋類
遇恩樂與陞授惟考滿仍舊武散官春秋類題或
身人入任并雜職人等初入流者與對品初授散官任

內歷俸三年初考稱職與陞授散官又歷俸三年再考
功蹟顯著者方與加授散官若考覈平常者止與初授
凡封贈文官散官如上階特進榮祿大夫
夫光祿大夫之類非特奉旨者不與

議郎

原今說尚書續漢書曰桓榮字子春少學長安習歐陽

使祠陵廟益部耆舊傳曰李尤字伯仁為議郎安帝

疾有德行高妙東觀漢記曰黃瓊字世英以篤行

清苦謝承後漢書曰石苞字延博為諸

賢漢舊儀曰議郎中泰官也議郎秩比六百石持徵

議郎十二人又曰議郎十二人不屬署不直事

明經學漢書曰孔光經學尤明

尚書部

議郎

名馴有志行東觀漢

散官部

劉字伯春以志行稱鄉里號之曰德行恂恂

聖字以

儒學拜又曰甄學拜字子晉

張承以方正拜魏志曰張

少知名以方

劉淑諸儒之表

仲承後漢書曰劉淑字

正拜為議郎

趙享質稟純粹

晉起居注太康中

稟純粹思議通濟學之有善方

吳良疏薦為議郎

後漢書曰

書見良傳東平王蒼上疏薦良顯宗以示公卿曰前以

何薦韓信設增而拜不

復多試今以良為議郎

學能屬文安帝舉賢良

方正對策高第為議郎

童子郎

蘇章高第為議郎

後漢書曰

童子郎

後漢書曰左雄奏徵海內名儒為博士使

公卿子弟為諸生有志操者加其俸祿汝

原謝廉通經

南謝廉河南趙慶年始十二各能通經雄

伯達試經

魏志曰司馬朗字伯達年十二試經為童子郎

以其身體壯大疑朗匿年劫問朗曰朗之內

外累世長

求早成非志所為也監試者異之

六品子弟

晉要事

七年尚書僕射諸葛恢奏恭皇后今當山陵依舊公卿

六品請悉

委貌冠都布衣

續漢書百官志曰輶車拂挽

冠都布衣也

士

原能治上官

周書曰人生成人能

使不辱命

論語孔

已有恥使于四方不

通古今辨然否

白虎通曰通古

無生得貴由士而起

又曰王者太子亦稱士何舉

從下升以為人無生得貴者

設官部

附錄貢函卷九十七

童子郎

淵鑑類函卷九十七
莫不由士起是以舜時稱為天子必先試于士故士冠禮云天子之元子猶士也案士冠禮鄭注曰元子世子也無生而貴皆由下升賈疏曰天子之元子雖四加與十二而冠其行事猶依士禮也故云猶士也元子尚不得生而貴則天下之人亦無生而貴者也

淵鑑類函卷九十七

淵鑑類函卷九十八

設宮部三十八

東宮官總裁 太子六傅總裁 太子太傅 太子太保

太子少師

太子少傅

太子少保

太子賓客

太子詹事

太子少保

太子中庶子

中允

太子少保

太子中庶子

中允

太子少保

太子舍人

通事舍人

太子洗馬

東宮官總裁一

原杜氏通典曰凡三王教世子必以禮樂樂所以修內禮所以修外禮樂交錯於中發形於外是故其成也懌恭敬而溫文中心也立太傅少傅以養之欲其知父子君臣之道也言養者積浸成長也太傅審父子君臣之道以示之

少傅奉世子以觀太傅之德行而審諭之謂說其義也太傅

在前少傅在後謂其在入則有保出則有師謂燕居出入時也漢

則太顛闕天南宮適散宜生左右前後皆正禮也是

以教諭而德成也秦漢以下始加置詹事庶子及諸

府寺等官亦有以他官而監護者後漢順帝立太子居

焉監護有中常侍率乘衣車來載太子太子太傅高

憂懼不能止開門將出而焉至手劍當車曰太子國之

不與內寵奸臣共挾邪謀今日之事有死而已乃遣廢

決勅乃聽之自魏明帝以後久曠東宮制度闕廢官

司不具吳孫權即位孫登為太子兼置四友等官以諸

表為翼正都尉是為四晉初詹事左右率庶子中舍人

諸官並未置唯置衛率令典兵二傅并攝眾事至咸寧

元年始置詹事以領宮事宋孝武置東宮率更令等官

其中庶子庶子中舍人舍人洗馬各減舊員之半後周

加置太子諫議員四人至隋罷詹事分東宮置門下坊

典書坊北齊已有以分統諸局北門下坊門下坊有左

庶子二人內舍人四人錄事二人統司經宮門內直典

膳藥藏齋師等六局典書坊有右庶子二人舍人通事

舍人各八人領內坊唐置詹事府以統眾務置左右二

春坊以領諸局龍朔二年改門下坊為左春坊典書坊

為左春坊置左庶子二人中允二人司議郎四人錄事

設官部

東宮官總載

東宮官總載

二人左諭德一人左贊善大夫五人崇文館校書郎八

人亦統六局六局之中唯改齊師為典設餘局名與隋同其六局長官唯司經置洗馬宮門置大

夫餘各置監以局名冠之所冠如其名龍朔中改宮門大夫如諸監並為郎遂為永制也右春坊置

右庶子二人中舍人二人舍人四人錄事二人右諭德

一人右贊善大夫五人通事舍人八人兼領內坊內坊

內二人掌閣內諸事諸坊局小吏各有差因隋制也 **增**文獻通考曰宋東

宮有六傅下至率更令僕古官存而無職司至道元年

建儲闈置賓客二人左右庶子諭德中舍各一人並以

他官兼之左右春坊鑄印置吏員及太子登極則省春

坊司累朝皆然真宗在東宮建堂習射名繼照堂有勾

當官三人及以諸司使仁宗在東宮肄學建堂名資善堂

右都監一人都知班充宋史曰資善堂有翊善贊讀

直講說書皇太子宮小學教授資善堂小學教授等官

翊善贊讀直講皆舊制說書而下中興以後增置資善

堂自仁宗為皇子時為肄業之所每皇子出就外傳選

官兼領元豐八年哲宗初開講筵詔講讀官日赴資善

堂以雙日講讀仍輪一人宿直靖康時詔皇太子出就

外傳就資善堂置學舍令國子監供監書至紹興時孝

宗封建國公出就資善堂聽講先是宰臣趙鼎得旨於

宮門內造書院至是始成以為資善堂命儒臣為直講

設官部 端監類函卷九十八 東宮官總載

翊善悉如資善故事以左史范冲充翊善右史朱震充
贊讀時稱極選孝宗淳熙七年皇孫英國公始就傅詔
置皇太子宫小學教授一員續文獻通考曰遼南面
東宮三師府太子賓客院太子詹事院左右春坊司經
局太子家令寺太子率更寺太子僕寺太子左右衛率
府北面有皇太子惕隱司掌皇太子宫帳之事著帳郎
君院內設皇太子祇應司金天德四年始定制宮師府
三師三少詹事院詹事三寺十率府皆隸焉左右諭德
為東宮僚屬有左右贊善司經正副典食令丞屬詹事院掌
飲令丞屬宮師府內直郎家令丞僕正左右衛率府皆屬宮

元大德十一年置宮師府至元十五年初立詹事院以
完澤為右詹事賽陽為左詹事副詹事詹事丞院判各
一員別置宮臣賓客二員左右諭德左右贊善各一員
校書郎二員中庶子中允各一員三十一年太子薨乃
以院之錢糧選法工役悉歸太后位下改為徽政院以
掌之天曆元年改為儲慶使司未幾改為儲政院置院
使僉院同僉院判司議長史等官至正十三年復立詹
事院順帝至正七年立端本堂以李好文為太子諭德
歸暘為贊善張仲為文學皇太子以是日入肄業脫脫
領端本堂事端本堂虛中以俟至尊臨幸太子與師傅

設官部
東宮官總載

分東西向坐授書其下僚屬以次列坐有家令司置家
令丞各二人典膳署珍藏文成供須三庫柴炭局備用
庫嘉醞局典倉署備物等庫皆屬焉左右衛率府置率
使副使僉事等官至大元年撥江南行省萬戶府精粹
漢軍為東宮衛軍凡侍衛總管儀衛等司皆屬焉明洪
武初置大本堂取古今圖書充其中召四方名儒教太
子親王諸儒專經面授分番夜直已而太子居文華堂
諸儒臣迭班侍從又選才俊之士日充伴讀是時東宮
官有同知詹事院事副詹事左右詹事丞左右率更令
率府使副使諭德贊善文學中舍正字侍正洗馬庶子

皆勲舊大臣兼之不別設府僚十四年設左右司直郎
左右清紀郎十五年置左右春坊各設大學士又置司
經局設洗馬校書正字二十二年以官聯無統始置詹
事院二十五年改院為府置詹事一人少詹事二人丞
二人其屬主簿錄事各一人通事舍人二人其左右春
坊置大學士一人庶子諭德中允贊善各一人司直郎
清紀郎司諫各一人司經局置洗馬一人校書二人正
字二人本府堂上官與翰林院官互兼職事凡講讀纂
修考試等官皆與本院同坊局雖各有印然事則詹事
統之自永樂定鼎北京以後南京詹事府不設官止設

主簿一員

東宮官總載二

原詩宋顏延之直東宮答鄭尚書道于詩曰皇居體環極設險祗天工兩闡阻通軌對禁限清風

原箴晉溫嶠侍臣箴曰勿謂其微覆篲成高勿謂其細巨由纖毫故曰善不積不足以成名話言如絲而萬里來享無以處極而利在永貞是以太子之在東宮均士抗禮以卑厥情入學齊蒞言稱先生不以言自減不以貴為榮思有虞之烝烝尊周文之翼翼晨昏靡違夙興宴息師傅是瞻正人在側屏彼佞諛納此亮直故傳敬

德義臣思盡忠或稽古訓導惟道之不融或造膝詭辭懼谷之蘊崇惴惴兢兢思二雅之遺風鑒乎九三天祿永終近臣司規敢告常從

增論明王鏊論東宮官曰今國家之東宮官以序進未必皆天下之選學之日晨而授書授畢而退日中進講講畢而退況祁寒暑雨學皆間歇間歇之日所與宴遊者誰歟所與居處出入者誰歟不可得而知也又近世之弊患在上下不交然為太子亦且未同於為君今則儼然端默有言且不敢進又況為君之日乎求上下交而德業成胡可得也國初建大本堂取古今圖書充其

設官

洪金卷之九十八

東宮官總載

六

中延四方名儒教太子親王分番夜直時時賜宴賦詩
講論文學無虛日仁宗于潛邸宴勞東宮之官如家人
父子有從學詩學表至有以暗遂明之喻則本朝之初
未嘗如今制也英宗幼冲當時大臣無深識遠慮阿時
所好名為尊君卑臣非祖宗之法本然今雖未能如古
之制亦宜稍略君臣之儀敦師友之分使宮僚日侍左
右從容誦讀講讀之暇宴飲出入起居皆得周旋其間
至暮乃退宮僚有失從三師糾正之斥逐邪人不使得
預其間如此所謂一人元良萬方以貞三代之所以長久
者用此道也

太子六傅總載一三太三少

原杜氏通典曰太子師保二傅殷周已有

二傅為太傅少傅詩小弁

篇太子之傅作焉以刺幽王并音步平反

逮乎列國秦亦有之

孝公時商鞅設法黥太子

是也

漢高帝以叔孫通為太子太傅位次太常後亦有

少傅

夏侯勝字長公為太傅卒官太后以嘗受尚書於勝素服五日以報師傅之恩儒者以為榮又萬

石君石奮韋元成丙吉並為太傅

後漢太傅禮如師不領官屬而少傅

主太子宮屬漢魏故事太子於二傅執弟子禮皆為書

不曰令少傅稱臣而太傅不臣晉太始三年武帝始建

置東宮各置一人尚未置詹事官事無大小皆由二傅

少傅立草太傅書真以為儲訓並有功曹主簿五官秩

設官部

綱鑑類函卷九十八

太子六傅總載

九

與後漢同皇太子先拜諸傅然後答之如弟子事師之禮二傅不得上疏曲敬武帝以儲副體尊遂命諸公居之以本位重故或行或領時侍中任愷武帝所親敬復使領之蓋一時之制也咸康元年以給事黃門侍郎楊珣為詹事掌宮事二傅不復領官屬及楊珣為衛將軍領少傅復省詹事遂崇廣傅訓命太尉賈充領太保司空齊王攸領太傅所置吏屬復如舊二傅皆進賢兩梁冠黑介幘五時朝服佩水蒼玉其後太尉汝南王亮車騎將軍楊駿司空衛瓘石鑿皆領傅保猶不置詹事以終武帝之代惠帝元康元年復置詹事

二傅給菜田六十畝

夏後不及田者食俸一年及愨懷建宮乃置六傅三太

三少晉書曰東宮舊制月請錢三十萬以備衆用愨懷太子恒探取三月以供嬖寵以景帝諱

師故改太師為太帥通省尚書事詹事文書關由六傅

六傅各有一人自元康之後諸傅或二或四或六

渡江之後有太傅少傅不立師保山濤洛事曰太子保

之選羊祜秉德尚義可出入周旋令太子每親儀宋有

太傅少傅各兼丞一人其保傅並銀章青綬齊與宋同

武帝時以王儉為少傅舊太子敬二傅同至是朝議接

少傅以賓友之禮梁太傅位視尚書令少傅視左僕射

職官要錄曰三少舊視左僕射冠服同三大也陳因之自宋以下唯有傅而無

設官部 東宮六傅總載

師保後魏太師太傅太保謂之東宮三師少師少傅少保謂之東宮三少孝明在東宮宣武帝欲以崔光為太子師傅光固辭帝令太子南面再拜宮臣皆從太子拜光北面立不敢谷北齊皆有之出則三師在前三少在後後周不置隋與北齊同唐六傅不必備唯其人太子出則乘輅備儀以為後從貞觀中太宗撰太子接三師之儀出殿門迎太子先拜三師各拜每門讓三師坐與三師書前名惶恐後名惶恐再拜先天元年十二月詔東宮三師三少官開府置令丞各一人隸詹事府尋罷增文獻通考曰宋師傅不常設仁宗升儲置三少各一人李昉以參知政事兼掌賓客及陞左相遂進兼少傅此宰相兼宮

僚之始也丁謂兼少師馮拯兼少傅曹利用兼少保是時實為東宮官餘多以前宰執為致仕官亦隨本官高下除授太子少師少傅少保以待前執政其少師非經顧命不除若本官至尚書即除少傅丞郎給諫只除少保若因遷轉則遞進一官至太師即遷司空矣天禧末皇太子同聽政乃以首相兼少師樞密曹利用兼賓客自後神宗欽宗孝宗光宗在東宮皆不置開禧三年史彌遠自詹事入樞府乃進兼賓客已而太子侍立遂以錢象祖兼太子少傅明年景獻太子立並置二相錢左相改兼少師史右相兼少傅續文獻通考曰遼南面

東宮三師府金東宮官師府三師三少掌保護東宮道
以德義哀宗為太子時春宮所擬師保贊諭之臣多非
其人完顏素蘭上言太子天下之本正本之道在選人
以輔導之耳陛下更選賢如周召之徒者使之夾輔則
成周之治不足侔矣從之元置官師府立太子太師少
師太傅少傅太保少保等官明置太子太師太子太傅
太子太保從一品以道德輔教太子而謹護翼之太子
少師太子少傅太子少保正二品奉太子以觀三公之
道德而教諭焉太子賓客正三品侍太子規誨贊相禮
儀而先後之皆為東宮官而不列於詹事府或曰東宮
公孤初莅

詹事府也無定員無專授為勳戚文武大臣兼官或加官贈
官洪武初以左丞相李善長為太子少師右丞相徐達
為太子少傅俱領詹事二十五年立皇太孫以宋國公
馮勝穎國公傅友德兼太子太師曹國公李景隆涼國
公藍玉兼太子太傅開國公常昇全寧侯孫恪兼太子
太保詹徽為太子少傅兼吏部尚書茹瑋為太子少保
兼兵部尚書

太子六傅總載二

承華太子門名又選曰尊彼承華又博望太子苑名
曰高步承華皆謂太子儲官
東朝太子朝也文選小輦晉山濤為小傅帝賜司
曰東朝既建小輦乘之以訓太子

業司成禮曰樂正司業父師司成一人元良萬國以

也成尊敬國之將興尊師禮也漢詔曰輔翼禮曰師

其身而輔翼之歸諸道也者慎禁嗜賈誼書曰文王

子發發嗜鮑魚望曰鮑魚不登于賜金漢書疏廣疏

組安有以非禮之物養太子哉子賈誼疏曰古之王公太

賜黃金二十斤皇極禔祿之訓子見在檢檢之中置三公

導之以教訓去邪人選端士太子見正

言行正道張良策四皓為輔翼之功

高祖見之曰羽翼已成不可搖動矣

事皇太子詣崇講於宣武山高詳

賢門迎師傳講於宣武山高詳

以尊教前世之令典也何論臣與不臣其令太子拜之

即置輔弼唐書太宗謂于志寧曰古者太子既生士

不受兼官

宋史真宗末下謂權權州事至除吏不以

官官通以為不可既而帝御長春殿內出制書置榻前

謂輔臣曰此卿等兼東官官制也迪進曰東官官屬不

常增置臣不五辭制元史許衡以言利進為平章

敢受此命五辭制元史許衡以言利進為平章

政事許衡曰於帝前排其學術疑衡與之為表裏乃奏

之且實默曰於帝前排其學術疑衡與之為表裏乃奏

以樞為太子太師然為太子太師然為太子太師然為太子

用之實不使數侍上也默以屢政文統不中欲因東官

禮師博與太子命將入謝衡曰此不安于義也姑勿論

復然乎不能則師道自我發也樞乃免無所關掌堂別

集明高祖因勝國之制自太子太師至賓客皆被以

無所關掌堂別

虛名又洪武元年丞相李善長徐達平章常遇春廖永

忠趙鏞帶副詹事御史大夫湯和鄧愈帶左右諭德中

丞劉基章溢帶贊善大夫善長基溢理省臺幾事煩委

設官部

太子六傳總載

太子六傳總載

太子六傳總載

太子六傳總載

日不暇給而達遇春等諸大將帥征討之不遑然則以虛名被之而已所授經者宋濂輩耳輔臣

領三少宋史天禧四年以資政殿大學士王欽若為司

便表煥故三品兼三少兼制惟尚書都御史得兼之

洪熙初推恩大學士楊士奇以禮部尚書都御史加少保楊

榮以少保無何俱進尚書景泰間備署官且以易儲推

子少保兼太子少師江淵禮部左侍郎王寧戶部左侍郎

蕭鎡兼太子少師吏部左侍郎俞山太子少師兵部右

侍郎兼太子少師吏部左侍郎俞山太子少師兵部右

錫俱太子少師原當元良之日居輔翼之司屬監

撫之餘敦師資之本三師不為表首宋史太

史臺議欲以左右僕射合為表首太常禮院以東宮三

師為表首禮部尚書廣儀援典故以僕射合為表首者

六而謂三師無三師在尚書上賓客多為虛銜以待

文武大臣之資重或有功者然十日一赴資善宋史

三師在尚書上賓客在侍郎上為皇太子宰相丁謂馮拯兼少師少傅樞使曹利用兼

少保參政王曾樞副錢惟演兼賓客謂等因請師傅十

日一赴資善堂賓客以下布衣薦為師傅元史李孟

事至京師時武宗仁宗皆未出閣詔求名儒輔導原

有薦者曰布衣李孟有宰相才宜令為太子師傅

況當尊敬之朝宜慎父師之選漢擇名儒任先疏

廣晉崇碩德選在山濤漢用名儒任先疏受晉

推碩德選在羊公並見白帖羊

太子六傅總裁三

原表吳張儼請立太子師傅表曰昔賈誼為漢文帝陳

周成王為太子以周公為太傅召公為太保呂望為太

設官部 宗盤頌為卷九十八 太子六傅總裁

師又立三少皆上大夫使與太子居處左右前後皆正人也明禮義以導習之故能光熙文武興隆周室伏惟陛下命世應期順乾作主皇太子以天然之姿為國上嗣朝廷以四海未定國家多事師傅之官闕而未備臣愚以為高祖初基天下造創引張良叔孫通出為師保入與朝政宜博采周漢依舊儀用將相名官輔弼太子於是熙贊洪業增輝日月實為光大也

原歲晉傅元少傅箴曰近朱者赤近墨者黑聲和則響清形正則影直 **齊**王攸為太傅獻箴曰保相之才必擇賢明昔在成周旦奭作傅 後周蕭圓肅為少傅

作箴曰東序養德震方主器三善既備萬國以正姬周長久實係元良嬴秦短祚亦由少陽

太子太師

原九德六行 薛綜讓少傅表云先王之建立太子必擇九德之師六行之傅 教事諭

德 詳白帖 秩與卿同 晉公卿禮秩云太子太師秩與卿同 位在卿下

晉官品令云太子太師品第三視尚書令位在卿下 下銀印青綬佩水蒼玉進賢兩梁冠五時朝服

忠 寒貴重 唐太宗時太子承乾與魏王交惡帝曰當今之望羽異周矣即拜太子太師徵我遣侍皇太子一天下

太師名德 唐書曰楊炎當國頗真卿為禮儀使以直不

子太師并使罷之李希烈陷汝州乃建言遣真卿往諭

師名德久矣公欲建大號而太師至求宰相孰先太師者真卿叱之曰若等聞顏常山否吾兄也吾年且八十後已豈受若等脅邪而詣崇賢門見六傅集詹事府唐書曰馮若等定據為太子詹事鄭兼太子太師上日欲會尚書省定據禮詹事府詔可論者多其正

盧鈞八十 又曰盧鈞守太子太師帝元日大饗舍元歎

王溥三遷 宋史王溥為太子太師中謝日太祖顧左右曰溥十年作相三遷太子太師中謝日太祖品福履之盛近世未見其比

源 四皓為大師外戚世家漢高祖以商山何劭領太師王隱晉書何劭字子皓為太子太師以世祖每注情於廣陵王適而賈后無子遂立適為太子欲令親萬機而年尚小故盛選六傅以劭領太師通省尚書事

太子太傅

原 太傅古官 漢書百官公卿表曰太子太傅古官也屬洗馬舍人與卿同班

太傅與卿同班 位次太師 漢官解詁曰太子太傅曰太傅與卿同班 位次太師 漢官解詁曰太子太傅曰太傅與卿同班

道也 位次太師 漢官解詁曰太子太傅曰太傅與卿同班

德義 且用賢才 後漢光武大會百官曰誰可輔導太子陰識可博士張秩曰今陛下立太子為陰氏乎為天下

平即為陰氏則陰侯可為天下立太子為陰氏乎為天下

欲習者以輔太子乎即拜秩為太傅 衛綰謹慎 史記曰

正朕況太子乎即拜秩為太傅 衛綰謹慎 史記曰

太子太傅為人謹慎景帝 彭祖廉直 漢書曰嚴彭祖

為太子太傅為人謹慎景帝 彭祖廉直 漢書曰嚴彭祖

直不事權貴或說曰天時不勝人君以不修小禮曲

意於貴人左右之助願少自勉強祖曰凡通經術固當

修行先王之遺何可委 公卿祖道 又曰疏廣為太傅

曲從俗尚求富貴乎 公卿祖道 又曰疏廣為太傅

位五年皇太子年十二通孝經論語廣謂受日父子俱稱

足不辱知止不殆功遂身退天之道也即日父子俱稱

設官部 曰監領而卷九十八 太子太傅

疾上疏乞骸骨上許之公卿大夫設祖道俱
帳東都門外道觀者皆曰賢哉二大夫
名儒又博選名儒有威重通政事者以多闕班虎上言

親往命選官屬魏志曰涼茂字子修為太子太傅自以執疾廢

官屬何夔為少傅特命二傅與尚書並選

政理曹書曰趙宗儒泰和初進太子太傅并攝眾事

言優以二俸保仍兼太子少傅明宣德初夏原吉以少

師優以二俸也叔孫願伏誅史記曰叔孫通為太

王下攻苦食淡其可背哉陛下必欲廢適而立少臣願

頸血汚地寶嬰因謝病以嬰為傅後廢栗太子嬰爭

弗能得因謝病居石奮以恭謹遷又石奮無文學恭

少居藍田山下續漢書孝明皇帝以鄧禹先帝名

傳鄧禹以名臣拜仲翁深見器重漢書曰疏廣字仲翁為太子外

優寵仲翁深見器重廣兄子受為少傅初太子外

祖父特進平恩侯許伯以子為太子少師友必擇其弟舜監護

今官屬已備若親臨對曰太子儲君師友必擇其弟舜監護

及由是深程秉以名儒徵吳志程秉傳秉字德孺孫

子到拜太王導以驃騎領晉中興書王導以驃騎將

齊王以司空行晉百官公卿表注齊王攸王導旦夕

陳諫晉書王導為太傅初帝愛瑯琊王哀將有奪嫡之

猶疑之導旦夕陳張湛稱疾不朝後漢書張湛為太

設官部太子太傅

因稱疾 賀循正定制 虞預晉書賀循為太傅朝廷

循野諮詢 李熹訓導盡規 晉書李熹字季和為太

名到延見文辭占對 吳志張溫少修節操孫權問之問曰

容加禮拜議郎選曹尚書尋遷太傅 士庶朝望國華

喜書太宗伐高麗高士庶朝望國華 士庶朝望國華

據資訓導此日聽政常屈同榻庶因杏白以祛蒙蔽

原夏侯勝受詔撰論語說 漢書夏侯勝為太傅受詔撰

蕭望之以論語授太子 又曰蕭望之為太傅

太子太保 教諭德成 詳東宮 增朝嬰夕

原輔翼歸道 詳六傅 總載

側楚語鍾儀曰其為太子也師保 以德導人 唐書人

王為太子特進蕭瑀為太保上曰三師以禮導 宗立晉

人為太子則太子無所取則乃詔撰 師儀注 原召

公為太保 大戴禮云昔者周成王幼在襁褓之 陳略

為太保 臧榮緒晉書曰陳略字永 劉寔以開府加隱

晉書曰孝懷帝以劉寔為 賈充以太尉領 晉諸公贊

特進開府加太子太保 寵異舊相之班 宋史曰王溥宋初進位

太子太保 子太保舊制一品班于臺省之後太祖因見溥謂左右

曰溥舊相當寵異之即令分臺省班于東西遂為定制

預擇師保之任 儲當以司馬光呂公著為師保

太子少師 步輿至閣 唐書李綱貞觀四年復為少師以足疾賜

步輿聽乘至閣問以政事詣東宮太子承

太子太保 太子少師

太子太保 太子少師

太子太保 太子少師

太子太保 太子少師

乾為 聽政侍坐 又每聽政必詔綱與房元齡王珪侍

言陳事為難綱以為易故發 讓不敢謁 又房元齡加太

官太子欲謁乃止 舊德保護 又文宗議選舊德保護東

黃融少師 後魏郭祚領太子少師從世宗幸東宮肅

右趙桃弓與御史王顯唇齒為世宗所信 觀三師之

德 奉皇太子以觀三師之道德 請命太子習知政事

命太子習知政事或諳之曰 琚希恩東宮世宗察其無

他以此言告之琚對曰 臣愚以為太子天下之本當使知民事

政兼師保之任 臣愚以為太子天下之本當使知民事

遂言及之耳 真任少師不兼他職 樂中姚廣孝以立

因請解少師 東宮自僧錄左善世進為太子少師而無他兼職又勅

云卿資性篤實學行老成事朕藩邸積有年歲朕靖難

之初御侍左右謨謀弼贊裨益良多今建儲嗣簡求良

太子少傅

輔以御侍左右謨謀弼贊裨益良多今建儲嗣簡求良

之重以此考之不兼他官不領他職為真任也

輔導為職 續漢書百官志太子少傅 悉主官屬 疏受閑

子官屬 不朝朔望 稱臣並不朝朔望 與卿同班

雅 置酒太子宮奉觴上壽 辭禮闕雅上甚懼隆頌之拜

少傅 王丹正直 善正直名德重於當時 與卿同班

晉公卿禮秩云 月朔入見 魏志何夔為少傅涼茂為

法服而禮他 輔導東宮 王隱曾書山濤為太子

三無會儀也 後漢書徵王丹為少傅詔曰 輔導東宮

欲與結交 結交及丹徵徵遣子昱候于道昱迎拜車下

設官部 太子少傅

丹下答之曰君房有是言丹未許也
 八歲置傳後漢楊終
 傳禮制人君之子年八歲為置少傳教之書記
 以開其明十五置太傅教之經典以導其志
 帝師贊曰父子兄弟代作帝師
 傳朝議太子接少弟代作帝師
 傳以賓友之禮少弟代作帝師
 燧燧辭曰臣伯父何敢受職
 固辭徵拜太子徵李謙
 是官尚不取拜臣何敢受邪
 固辭徵拜太子徵李謙
 為少傅固辭及即位名十六人謙
 居其首乃力疾見帝行在馬
 張良為少傅高帝欲廢太子
 子良為少傅高帝欲廢太子
 及朝廷有政議博經以對言多法義
 匡衡陳便宜又匡衡為少
 上以為任公卿議博經以對言多法義
 二傳古不臣拜
 少自二傳之名次非於太子有輕重也
 詔曰秦漢以來
 舊章廢墜隨時改作其故事不可
 依用且遠準古議定二傳不臣拜
 甄宇清靜少欲觀

漢記甄宇字長文拜太子少傅清
 靜少欲常稱老氏知足之分也
 羊祜克已復禮
 復禮又年尚少可久于其事也
 桓榮稽古之力
 馬印綏曰今日所蒙稽古之力也
 諸子可不勉哉
 山濤古人之風
 素心思潛通清虛履道有古人之風
 衛瓘鼓吹之府
 又衛瓘字伯玉為太保領太子
 王雅冒雨而拜
 裴松之晉書王雅字茂建拜少傅日迅雷
 王珣亦傳不許
 華廙得傳導之義
 王隱晉書華廙遷
 遂冒雨而拜
 周顛有不言之益
 晉書周顛為少傅動遵禮典甚
 貴當類執匠以祛蒙蔽望之儼
 子房雖疾臥傳太子
 然斯不言之益何學之習邪
 漢書張良傳漢十一年黥布反上自將而東良疾強起
 至曲郵見上因說令太子為將軍監關中兵上謂子房
 設官部

雖疾強臥太子時叔孫巨源雖疾乘輦導入晉書

通已為太傅良行少傳耳上疏歸道以書辭謝華

山壽轉少傅表疾不聽尋謀三世傳東宮談者歎

武于宣武場帝命乘輦導入三世傳東宮談者歎

美晉書上疏謝歸道太子以書謝美之父子為師傅朝

廷榮焉漢書疏廣為太傅兄子受為少傅天子每朝因

廷以周伯仁疏讓晉帝詔副往意晉周顛以吏部尚

學不通一經智不效一官乃欲使臣內管銓衡外參傳

訓質輕蟬翼事重千鈞此之不可不待識而明矣詔曰

當副往意秦西巴放慶孟孫召為子傅韓子云孟孫

西巴載之持歸其母隨之而啼秦西巴弗忍而與之孟

孫歸至孟求慶若曰子弗忍而與其母孟孫大怒逐之

居三月復召孟孫曰夫不忍慶又且忍吾子乎故曰巧詐

不如拙誠樂羊以有功見疑秦西巴以有罪益信

太子少保

增知公直士唐書李綱在東宮隱太子寢狎亡賴猜間

潘仁長史而着朕尚書邪綱頓首曰潘仁賊也志殘殺

然每諫輒止陛下功成厚自伐臣言如持水納石敢久

謝曰尚書乎且臣幸東宮又與臣忤是以上印綬帝

如曰知公直士幸卒輔吾兒乃拜太子少保尚書詹事

故曰受邪說與朝廷生道凡為太子言殿下飲酒過量非

宜聽不自賴固請老優詔解尚書帝以綱所為益縱網

未嘗服其度量唐新語李適之為右相李林甫密奏

名遂命親故歡會賦詩曰避賢初罷相樂聖且少保適

之遂命親故歡會賦詩曰避賢初罷相樂聖且少保適

散秩唐書長慶中趙宗儒以兼太常卿為太子少保太

散秩唐書長慶中趙宗儒以兼太常卿為太子少保太

散秩唐書長慶中趙宗儒以兼太常卿為太子少保太

是中人掌教坊之樂者移牒取之宗儒不敢違以狀白
宰相宰相以為事在司執守不令關白而宗儒憂恐
不已宰相以其儒怯
不任事改以散秩

太子賓客

原杜氏通典曰漢高帝時有四人年老以上慢侮逃匿
山中義不為漢臣謂之四皓東關公綺里季夏黃公周里先生高帝不
能致及將廢太子太子迎四人至侍從太子鬚眉皓白
衣冠甚偉高帝既見曰煩公幸卒護太子太子由是不
廢至武帝又為太子立博望苑使通賓客晉元康元年
愍懷太子始之東宮惠帝詔曰適幼蒙今出正東宮雖
賴師傅羣賢之訓其遊處左右宜得正人能相長益者

太保衛瓘息庭司空隴西王泰息略太子太傅楊濟息
愆太子少師裴楷息憲太子少傅華廙息恒各道義之
門有不肅之訓其令五人更往來與太子習數備賓友
也其時雖非官而謂之東宮賓客皆選文義之士以侍
儲皇其後無聞唐顯慶元年正月以太子太傅兼侍中
韓瑗中書令來濟禮部尚書許敬宗左僕射兼太子少
師于志寧並為皇太子賓客遂為官員定置四人掌調
護侍從規諫凡太子有賓客之事則為上齒蓋取象于
四皓焉資位閑重其流不雜 **宋史**曰至道元年建
儲乃置賓客二人以他官兼時李至與李沆並兼賓客

設官部

附錄類

太子賓客

詔太子事以師傅禮真宗每見必先拜至等上表不敢當不允仁宗為皇太子李迪除太子少傅迪辭以太宗時未嘗立保傅止兼太子賓客詔皇太子禮賓客如師傅寇準罷帝欲相迪固辭一日對滋福殿有頃皇太子出拜曰陛下用賓客為宰相敢以謝帝顧謂迪曰尚可辭邪王曾參知政事兼太子賓客真宗不豫皇后居中預政太子雖聽事資善堂然事無不決于后中外以為憂錢惟演后戚也曾密語惟演曰太子幼冲非宮中不能立加恩太子則太子安太子安所以安劉氏也惟演以為然因以白后 續文獻通考曰元世祖至元十

九年詹事院外別置宮臣賓客二員後改設儲政院諸員皆廢至正十三年冊立皇太子復置賓客二人 元史曰至大元年仁宗在藩邸開宮師府姚燧年已七十遣正字呂誠如漢徵四皓故事起燧為太子賓客 續文獻通考曰明洪武初徵儒士王本杜斆趙民望吳源為四輔官兼太子賓客位尚書上

太子詹事一 丞 主簿 司直附

杜氏通典曰詹事秦官 應劭曰詹省也 漢因之掌皇

后太子家 皇太后太子各置詹事隨其所在以名官 漢

後漢志皇太后當法駕出則中謁中官者職兼詹事 奉引訖罷官者誅後尚書選兼職吏一人奉引此皆皇

后詹事也。漢時太子門大夫庶子洗馬舍人皆屬二傅其太子家令丞率更令丞僕中盾衛率等官並屬詹事後漢省詹事而太子宫悉屬少傅魏復置詹事領東宮眾務晉不置至咸寧元年復置以掌宮事事詳六傳及永康中復不置自大安以來又置終孝懷之代晉職擬尚書令掌三令四率中庶子庶子洗馬舍人等官銀印青綬介憤進賢兩梁冠絳朝服佩水蒼玉宋與晉同齊置府領官屬齊沈文季為太子詹事梁陳任總宮朝後魏有太子左右詹事北齊東宮眾事無大小皆統之領三寺二坊及左右衛後周置太子宫正宮尹隋開皇初置詹事二年罷之唐

復置詹事府詹事一人掌內外眾務糾彈非違總判府事置少詹事一人以貳之龍朔二年改詹事為端尹府為端尹府少詹事為少尹咸亨初復舊垂拱元年又改詹事為宮尹少詹事為少尹神龍初復舊增宋史曰仁宗升儲始置詹事二人神宗欽宗升儲並置二人皆以他官兼登位後省乾道元年莊文太子立置詹事二人踰月詔太子詹事遇東宮講讀日並往陪侍七年光宗正儲位以敷文閣直學士王十朋敷文閣待制陳良翰為太子詹事不兼他官非常制也景定元年度宗升儲以楊棟兼詹事續文獻通考曰金詹事院太子詹事

設官部

詞源頁九十八

太子詹事

少詹事掌總統東宮內外庶務世宗時詔太子詹事曰東宮官屬尤當選用正人如行檢不修及不稱職者具以實聞元至正十三年復立詹事院置詹事三人同知詹事二人副詹事二人仁宗延祐六年監察御史李朮魯朮等言皇太子位正東宮改立詹事院宜擇年德老成道義崇重者為師保賓贊俾盡心輔導以廣緝熙之學從之明詹事以輔導東宮為職凡侍東宮講讀暨坊局翰林院番直凡講讀畢又奉上所處分府部軍政要務及撫諭遐方恩義率其僚屬暨坊局陳說于東宮府院官得互兼凡試士修書皆與焉坊局亦如之

原杜

氏通典曰丞秦官漢因之後漢省魏晉隨詹事省置至晉永康中詹事特置丞一人掌文書關通六傳過江多用員外郎遷尚書郎宋齊因之梁陳置一梁冠皂朝服銅印墨綬後魏北齊並有之後魏楊昱字元略為詹事其所出入唯乳母而已不令官僚聞知昱諫曰太子動止宜令翼從陛下若名太子必降手勅令臣下咸知乃詔曰自此以後非朕手勅勿令兒隋初置一人唐置二人掌文武官簿帳朝集假使分判府事

增續文獻通

考曰元詹事府置丞二人成宗大德二年初裕宗崩朝議欲罷詹事院張九思時為詹事丞抗言曰皇孫宗社人心所屬詹事正所以輔成道德者奈何罷之遂止明

設官部
附錄通志卷九十八
太子詹事

置丞二人掌文書以贊詹事

原杜氏通典曰主簿一

人晉始置自後歷代皆有唐因之掌付事勾稽監印紙

筆

增續文獻通考曰明詹事屬主簿一人錄事一人

通事舍人二人主簿掌勾會文移檢稽脫失錄事佐之

通事舍人掌東朝參謁辭見之禮及承令勞問之事

原

杜氏通典曰司直二人唐龍朔三年置桂坊比御史

臺置令一人比大夫司直二人比侍御史掌彈劾官府

寮其後廢桂坊以司直隸詹事府

增續文獻通考曰

明左右春坊各置司直郎清紀郎司諫一人司直掌彈

劾宮僚糾舉職事清紀郎參佐之司諫掌箴誨鑒誡之

事以拾遺而補過焉

太子詹事二

原漢書曰竇嬰字王孫乃太后兄子景帝即位為詹事

帝母弟梁孝王竇太后愛之孝王朝因燕酒酣上曰千

秋萬歲後傳位於王太后勸之嬰引卮進上曰天下高

祖之天下父子相傳漢之約也上何得傳王太后因憎

嬰嬰亦薄其官因病免也 又漢文以鄭當時為景帝

詹事 又昭帝元鳳中以韋賢為詹事 又孔光父霸

字次孺宣帝以經授太子為詹事 又孝哀元壽元年

馬宮為詹事 王珉荅徐邈書曰詹事彈肅一宮如尚

設官部

綱鑑類函卷九十八

太子詹事

書令中丞也 俗說曰江夷為右僕射主上欲用其領
詹事語王准卿可覓比例准對曰准當出外尋訪准後
見主上問近所道事卿已得例未准曰謝琰右僕射領
詹事琰即謂公之子恐夷非其例事遂不行 **增**南史
曰孔奐為吏部尚書陳後主時在東宮欲以江總為太
子詹事令陸瑜言於奐奐曰江有潘陸之華而無園綺
之實輔弼儲貳竊謂非材後主深以為恨乃自言於宣
帝宣帝將許之奐乃奏曰江總文華之人今皇太子文
華不少無藉于總願選敦重之才以居輔導帝曰誰可
者奐曰都官尚書王廓代有懿德識性敦敏可以居之

後主時亦在側乃曰廓王泰之子不可居太子詹事奐
又曰宋朝范曄即范泰之子亦為太子詹事後主固爭
之帝以總為詹事 舊唐書曰劉憲景雲初遷太子詹
事時明皇在東宮雅意經籍憲曰殿下儲副非以尋章
摘句要通大義而已侍讀褚無量經明行修宜召問以
察其言 太平御覽曰蘇弁德宗時改太子詹事弁初
入朝班位失序殿中侍御史鄒儒立對仗彈之於金吾
待罪數刻特釋放舊制太子詹事班次太常宗卿之下
貞元三年御史中丞竇參敘班位移詹事在河南太原
尹之下弁乃引舊班制立臺官詰之云已白宰相請依

舊故為儒立所彈 宋史曰真宗末二府大臣皆兼東
宮官張士遜遂換太子詹事擢樞密副使遷尚書左丞
同中書門下平章事 又彥穎升詹事上言皇太子尹
臨安已久雖欲更嘗民事然非便宜一意講學他日以
言於上者告太子趣草奏辭尹事三辭乃免 又王十
朋除太子詹事力辭詔州郡禮致遂力疾造朝以足疾
不能趨詔給扶減拜謁東宮太子以其舊學待遇有加
金史曰楊伯雄字希雲登皇統二年進士大定初顯
宗為皇太子選東宮官屬張浩薦之起為少詹事兄子
蟠為左贊善時論榮之 又伯雄進左諫議大夫翰林

直學士會太子詹事闕宰相復舉伯雄上曰伯雄不可
去朕左右而東宮亦須輔導遂以太子詹事兼諫議伯
雄知無不言匡救弘多後宮僚有詭隨者人必稱楊詹
事以媿之 元史曰王約字彥博成宗時歷仕禮部尚
書仁宗在東宮雅知約名思用以自輔擢太子詹事丞
明年進太子副詹事約抗章諫節飲辭意懇切仁宗嘉
納焉承制立左衛率府統侍衛軍萬人同列欲署軍官
約持不可仁宗復召問約對曰皇太子事不敢不為天
子事不敢為仁宗悟竟罷議同列復傳命增立右衛率
府取河南蒙古軍萬人統之約屏人語曰左衛率府舊

制有之今置右府何爲諸公宜深思之不可累儲宮也
又命取西安兵器給宿衛士約謂行省完澤曰詹事移
文數千里取兵器人必驚疑主上聞之奈何完澤色慙
曰實慮不及此又欲取福建繡工童男女六人約以爲
動擾不冝乃止家令薛居敬言陝西分地事因被命往
理之約不肯署行曰太子潛龍也爲飛龍之事可乎遂
寢不行 獻徵錄曰吳寬爲詹事府詹事孝宗在東宮
學少間寬率僚屬上疏曰竊惟東宮講學自寒暑風雨
朔望令節外一歲之中不過數月一日之內不過數刻
況其間又多間歇人生八歲出就外傳居宿于外誠欲

離近習親正人也庶民且然況有天下者乎借曰習讀
于內終不若出就外傳親近儒臣講明正道所得爲多
也 又吳文定掌詹事府事久之程學士敏政以策免
起復官前所歷俸不入考公曰少詹學士職與我同彼
則先官即日上疏請以印讓有旨命公仍掌之士論益
多公 又張元禎孝宗朝以太常寺卿兼翰林院學士
仍侍經筵日講掌詹事府事上疏勸經筵宜講太極圖
西銘東宮兼講孝經小學孝宗欣然嘉納亟索太極圖
以觀曰天生斯人以開朕也

太子詹事三

增領護軍 晉書羊琇少與武帝同年相愛常謂帝曰若

琇但為左衛將得詹事為領護軍太子詹事武帝即位

問焉父不語但指摺牀龜而示詹事公求官候父下朝而

以女歸告其夫曰舅得詹事矣詹事恭讓表曰今日王儲始

建四方是式總司之任崇替所關宜妙簡才賢盡一時

勝之舊視領護 晉令云詹事品第 送公錦還 唐書

成轉太子少詹事太宗東征太子於定州監國即行成

先人固辭機密 唐書徐堅宗時授太子左庶子遷

墓請堅不許又以妻岑義女弟固辭機 同日超授徵

錄孔公恂字宗文宣聖五十八代孫景泰甲戌進士授

禮科給事中天順中大學士李賢言于英宗謂公恂與

職遂同日超授詹事府少詹事 入參出掌 元史完澤

選為裕宗王府僚屬及裕宗為皇太子署詹事 不求

長入參謀議出掌環衛小心慎密太子甚重之 院諸事循

賜子 元史王約為太子副詹事仁宗以詹事院諸事循

勿落又謂中丞承解曰在詹事而 宮端宿德 明徵錄

無求 賜子者惟彥博與汝二人耳 宮端宿德 明徵錄

山往鑿錄 金史楊少詹事曰侍講讀輔導極為誠謹 瑤

嘉納 東宮聖功圖 書掌詹事府事進嘉靖間為禮部尚

以納忠不罪也 原下壺裁斷切實 遷太子詹事世

稱壺裁斷切實 王恭清操過人 晉中興書太原王恭

過人 勿以資屈為嫌 唐書李勣為兵部尚書學

衛率帝曰吾兒方位東宮公舊 講讀非詹事職 宋

史以官事相委勿以資屈為嫌 太子詹事

設官部 開鑿類函卷九十八

戴溪字肖望紹熙時由資善堂說書轉為太子詹事景
獻太子命溪講中庸大學溪辭以講讀非詹事職懼侵
官太子曰講退使服云卿舞回波辭唐書沈佺期字
說書非公禮毋嫌也
修文館學士侍宴帝詔學士等舞回波佺期字
辭佺帝還賜牙緋尋歷中書舍人太子少詹事

太子詹事四

增制唐常袞授郭曜太子詹事制曰門下正于宮僚以
視邦憲務兼內外選重古今某官丞相之子夙聞禮訓
孝悌信讓清公仁厚端莊慎獨如有大賓之容沈靜少
私澹然儒者之行濟以才識達于公方素多歷職之稱
用叶居家之理士林推重朝野洽聞待以客禮既任賢
于調護委之官事更持綱于彈糾

原表齊孔稚圭讓詹事表曰太子霞鸞青殿日光春宮
駕紫谷之英振洛笙之響自非器上白雲韻同明月何
以延芳芝苑插羽瓊條實嬰戚貴于西京陸曄風素于
東國伊人之美方曰可舉臣亦何斯而敢參冒也 梁
陸倕除詹事免讓表曰中陽白水徒庇微軀送珥抱薪
未聞成績陳席不棄故劔無遺遂宣時髦升降清顯尊
官厚秩無因而至陋巷華門鬱成爽塏儲端華重實異
恒司南章馬宮已擇儒雅實嬰許商爰取姻戚自茲已
降名器日隆歷選才賢若何叨越也 陳江總謝宮為
製讓詹事表啓曰如攀珠樹徒仰照匣之輝若踐玉田

設官部

尚監類函卷九十八

太子詹事

七

不知照廡之價芙蓉之水亟奉北園迷迭之文屬陪南
館久降嗑枯之旨許賜凌雲之筆清夜讌斯謂言善戲
黃金然諾並遂殊寵年齊柏寢豈報恩榮紙罄蘭臺未
書悚戴 **增**宋周必大辭兼太子詹事奏狀曰竊惟儲
端華重今昔所同漢韋賢質樸篤學始膺委任唐李勣
至以舊長史屈階資而為之近歲以來非老成端諒為
世所推則必於近臣中擇嘗任王府講讀及宮僚者就
兼是職苟或異此寧虛厥官臣行能淺薄既無素望又
非舊人驟預選掄實駭羣聽伏望重青宮之屬軫黃屋
之恩朝多英望亦有舊僚改而命之庶叶公論

原啓陳江總除詹事謝宮啓曰庇身修德濫迹端形陳
蘿故葛攀附不涯解角蛇鱗超踰非次方辭璽會覲收
渥澤

太子中庶子一

原杜氏通典曰古者天子有庶子之官 周官謂之諸子職諸侯
卿大夫之庶子掌其戒令與其教理有大事則帥國子
而致於太子唯所用之秦因之置中庶子庶子員 宋志云後漢置中庶子按齊人鄒陽上疏云秦皇帝漢因之有
任中庶子蒙之言而荆軻入關則秦官明矣庶子員五人史丹王商歐陽地餘並為中庶子 王莽改曰中尚
翼後漢員五人職如侍中而庶子無員職如三署中郎

設官部

尚書通志卷九十八

太子中庶子

凡庶子主宮中并諸吏之適子及支庶版籍魏因之在
吳為親近之官晉中庶子庶子各四員職比散騎常侍
及中書監令皆以俊茂者為之或以郡守參選若釋奠
中庶子扶左庶子扶右宋與晉同武冠平巾幘絳朝服
元嘉初詔二率中庶子隨太子入直上宮十四年又詔
還直東宮至齊其庶子用人卑雜梁天監七年詔革選
其年以太子中舍人司徒從事中郎為之凡中庶子四
人以功高者一人為祭酒行則負壘前後部護駕與功
高中舍人一人共掌其坊之禁令庶子四人掌侍從左
右獻納得失與功高通事舍人一人共掌其坊之禁令

冠服並同前代陳因梁制後魏亦有中庶子庶子官北
齊門下坊中庶子四人領之典書坊庶子四人領之隋
分為左右庶子各二人分統門下典書二坊事劉行本
子卒後太子勇廢文帝曰若唐亦各二人分掌左右春
坊事龍朔二年改左右庶子為左右中護咸亨初復舊
左擬侍中而右擬中書令貞觀中詔曰皇太子與百官
皆名目無以別貴賤今凡處分論事之書皇太子並宜
稱令右庶子以下署名宣奉行書其餘與諸親及師傅
等書不在此限于志寧為太子中庶子撰中允司議郎
諫苑二十卷以進于太子太子名承乾
司經洗馬文學校書正字典膳藥藏內直典設宮門等
局郎丞崇文館共屬右春坊中舍人舍人通事舍人並

設官部

尚書類函卷九十八

太子中庶子

三

屬左春坊其諭德贊善亦左右分隸焉 環濟要略曰
庶子謂官中諸吏之適子及支庶在版籍者也行其秩
敘作其徒役授八次八舍之職以徵候 漢書百官表
曰太子太傅屬官有庶子 沈約宋書曰中庶子漢置
古者世祿卿大夫之子既為副倅謂之國子天子諸侯
子必有庶子官以掌教之 唐志曰左春坊左庶子
掌侍從贊相駁正啓奏中允為之貳皇太子出則版奏
外辦中嚴入則解嚴凡令書下則與中允司議郎等畫
諾覆審留所畫以為案更寫印署注令諾送詹事府右
春坊右庶子掌侍從獻納啓奏中舍人為之貳 宋史

曰太子左右庶子左右諭德舊制不常設儲闈之建隨
宜制官以備察察多以他官兼領仁宗神宗并儲庶子
諭德各置二人欽宗并儲置一人紹興三十二年孝宗
以建王立為皇太子置庶子諭德各一人除右虛左乾
道元年及七年各置一人開禧三年景獻太子立除右
虛左明年左右始並置 續文獻通考曰遼南面左春
坊長官曰太子右庶子元置中庶子一人明左右春坊
置庶子各一人

太子中庶子二

漢書曰歐陽地餘為中庶子授皇太子經元帝即位

遷侍中 又王商涿郡人少為太子中庶子以肅敬敦厚稱 魏志曰鮑勛為中庶子 又王昶字文舒為中庶子 晉齊王攸與山濤書曰中庶子東宮顯職加以侍接左右誠得篤粹有行檢六人想悉在尊意必允眾望也 文章敘曰應貞晉室為中庶子 晉中興書曰溫嶠拜中庶子在東宮甚見嘉寵僚屬莫與為比數規諫諷議又獻侍臣箴甚有補益太子時起西池樓觀頗多勞費嶠口疏切諫太子納焉 晉書曰晉王珣曰中庶子稱坊詹事稱寺寺同於九卿坊如天朝之稱臺 陳書曰王瑒父冲嘗為瑒辭領中庶子世祖顧謂

冲曰所以久留瑒於承華欲使太子微有瑒風法耳 太平御覽曰隋劉行本拜太子左庶子皇太子虐已敬憚時唐令則亦為左庶子太子昵狎之令以絃歌教內人行本責之曰庶子當匡太子以正道何有嬖昵房帷之間哉令則甚慙而不能改 唐志曰杜正倫為太子左庶子太宗謂曰國之儲副自古所重必擇善人為之輔佐今太子年在幼冲志意未定既委以監國不在目前知卿志懷貞慤能執直道故輟卿於朕以匡太子宜加委任輕重也 又李百藥授太子右庶子時太子頗留意典墳然閒讌嬉戲過度百藥作贊道賦以諷太宗

洪武類書卷之九十八
見而遣使謂百藥曰朕於皇太子處見卿所獻賦述古
來儲貳之事以誠太子甚是典要朕選卿輔弼太子正
爲此事大稱所委賜綵物三百段 唐書曰房元齡太
宗平內難爲皇太子擢右庶子 又皇甫鏞字繡卿憲
宗時鏞爲相鏞任河南少尹見權勢太盛每極言之鏞
不悅乃求分司爲皇太子左庶子鏞敗朝廷賢之 宋
史曰仁宗出閣帝選僚佐謂宰相曰翊善記室府屬也
王皆受拜今王尚少宜以張士遜爲友令王答拜於是
以戶部郎中直昭文館爲壽春王友遷諫議大夫兼太
子右庶子改左庶子遜言詣資善堂升階列拜而皇太

子猶跪受宜詔皇太子坐受之帝不許 又邵亢爲穎
王府翊善及東宮建爲右庶子 又高宗以普安郡王
爲皇子進封建王詔建王府置直講贊讀各一員史浩
兼直講一日講周禮言膳夫掌膳羞之事歲終則會惟
王及后世子之膳羞不會至酒正掌飲酒之事歲終則
會惟王及后之飲酒不會而世子不與焉以是知世子
膳羞可以不會世子飲酒不可以無節也王作而謝曰
敢不佩斯訓及建王爲皇太子浩除起居郎兼太子右
庶子 獻徵錄曰鄒緝字仲熙永樂間爲左庶子卒于
官子循爲翰林待詔宣德八年當受勅命循乃疏言臣

父緝先在翰林事文皇帝後兼春坊事昭皇帝于東宮
歷二十年不獲生受誥命今臣秩卑於例不應得封贈
乞特賜之上諭吏部尚書郭璉曰當皇祖時朕居守北
京時緝恒在左右所言皆正蓋良臣也其特與之誥命
不為例 又曰周述永樂時進左春坊諭德兼侍讀從
皇太子居守南都上諭之曰汝素厚重尤資匡弼太子
雖聰明純謹然智或未逮行或過中必須盡言庶稱朕
意仁廟居守中外無失政德澤浹于人心述力為多宣
德中陞左庶子 又童承敘嘉靖間為講官上御文華
殿承敘進講周書立政篇極陳王業艱難周公夾輔之

忠詞意婉切上改容聽焉及冊正儲位乃以承敘為左
春坊左庶子兼翰林院侍講慎輔導之選也

太子中庶子三

原職如侍郎續漢書百官志太子中庶子職如侍郎 衛太子家班彪傳見

國家故事選公卿列侯子 野王通詩漢書馮奉世傳

孫儁太子家為中庶子 劉輓侍講東觀漢記劉輓字

受業博士通詩少以父 侍從十年漢書史丹傳丹字仲白元帝為

庶子入 管綜門下王珣啓以桓譚為太子庶子綜管門

從十 校德東宮山濤啓事云瑯琊王子繇隴西

下不可不 東宮顯選又中庶子東宮顯選今有二

子校德東宮 設官部綱鑑類函卷九十八

若兼庶子 太子中庶子

為一宮要任晉起居注武帝置中宜用雋選吳志

切問近對宜用雋選于孫權曰夫中庶子官最親密

合聖純粹篤誠又中庶子賈模遷缺沉靜履素晉

皇甫謚傳咸寧初詔曰男子皇甫謚沉靜才行優著

履素守學好古其以為太子中庶子可書殷仲堪傳孝武

王隱晉書梁益為太甚相親愛晉書殷仲堪傳孝武

相親經學淵博晉中興書孔演字太元為中庶子領

淵博又該識舊典朝班同三舍擬侍中中書受命

儀軌制多取正焉入侍儲幄顏含正始

天朝晉鄭默字思允與郭奕俱為中庶子朝廷以為太

于天下宮臣皆授命大朝入侍儲幄顏含正始

遺風齊書袁燦言丁帝曰臣觀張緒有與典機劇唐

許敬宗高宗在東宮遷右庶子太元素直言又張元

庶子太子久不見賓友元素曰宮中所見止婦人不知

樊姬等可與益聖德者幾何若無之即便誠豔嬖何足

顧哉上惟東宮之重高署賢才為僚佐今吳兢諫獵

乃不得進見將何以朝納詢夕補遺也邪吳兢諫獵

成禮為甚大畋遊之事克損威儀貞觀時太宗文皇凡

亡之巡行則博選識達古今之士以在左右每至前代興

與夫聘奔馬于澗谷要狡獸于叢林不慎垂參典機

密宋史晏殊遷左庶子能依仗東宮真宗諮訪以事輒

示不泄以出入陪從又仁宗在東宮詔庶子張士遜

侍從舊勞獻徵錄明陸簡侍孝宗東宮講讀弘治戊

設官部

附錄

太子中庶子

右庶子兼侍讀 令旨授經 坊又明鄒濟永樂時擢左春

無不從寵遇特厚奉令 原秦寵蒙恬 晉尊孔演帖

大臣薦王商 漢書王商字子威為太子中庶子父薨

切于是大臣薦商行可以勵羣臣義足以厚 山濤用

風俗宜備近臣由是擢為諸曹侍中中郎將 顏含操行徵 晉書

劉粹 山濤啓事 中庶子賈模遷缺 陶侃孝廉拜

字子弘少有操行 肅宗初臨東宮侍臣 傳喜好學選 漢書傅

宜須儒素有行者乃徵合為中庶子 祖納文義遷 王隱晉書

陶氏家傳云侃遷太子中庶子 荀緯喜文學 文章敘錄云荀緯

而好學善談論尤明於詩易 祖納文義遷 王隱晉書

學問有志行哀帝立為太子 荀緯喜文學 文章敘錄云荀緯

成帝選喜為太子中庶子 荀緯喜文學 文章敘錄云荀緯

言以清言明理文義 荀緯喜文學 文章敘錄云荀緯

可觀遷太子中庶子 荀緯喜文學 文章敘錄云荀緯

為太子 鮑勛有高節 魏書鮑勛字叔業清白有高節

庶子 鮑勛有高節 魏書鮑勛字叔業清白有高節

色不 諫院兼宮坊 續文獻通考明洪武初以耆儒

春坊左 義門授庶子 又洪武時以義門鄭濟王

右庶子 義門授庶子 又洪武時以義門鄭濟王

員五人秩六百 應劭注漢官表云庶 增宋璟以宰相

兼 唐書宋璟為 擇朝士補少列 將作監會擇朝士有

望者補少列 改 選僚佐為輔導 又真宗尹京妙選僚

太子右庶子 吳寬以舊學 杜門六年故

輔導意東宮 吳寬以舊學 杜門六年故

進 獻徵錄明吳寬以舊學 杜門六年故

有此拜 唐書趙宗儒字秉文罷相為太子 杜門六年故

知卿杜門六 有驚來翔王坦被令為賦 武陵先賢傳

尚書員外郎

太子中庶子

卷

好學能屬文遷太子中庶子時蔡穎亦在周翰獻所
東宮性好博奕太子以為無益命曜論之為文上荅以書
宋史梁周翰字元褒真宗在儲宮知其
翰悉纂以獻
名徵為左庶子因令取其所以為文章周
上荅以書

太子中庶子四

增制唐李嶠授王方慶左庶子制曰鸞臺升降銅樓輔
弼必求時望以隆國本某官盛門良緒敏學豐才道業
夙彰言行無玷備歷清顯式昭幹具體溫恭之性造次
不違守廉退之風終始如一實舊德之明允見通人之
老成昔張良以三傑之才始傳儲右史丹資八舍之重
方護春宮簡賢任能抑有前事宜膺九德之選用光三

善之業 蘇頲授姚元之等兼太子庶子制曰勅元儲
者萬國之貞端士者一時之選自匪英傑孰當調護姚
元之宋璟等並以賢良方正茂才異等著於天下揚於
王庭忠而在公孝以為政見義難奪立誠不回發揮文
教博綜儒術故能生此王國戴于朕躬屬少陽初建承
華洞啓使股肱之良宣諭道德雖典厥二柄實務茲官
必俟大臣俾兼中庶

唐墓誌梁簡文帝庶子王規墓誌銘曰玉挺藍田珠潤
隋水價重連城聲同垂棘偶應龍之籥影等威鳳之羽
儀名理超于荀王博洽侔于終賈稍遷侍中佩玉壘于

設官部

周監領西卷九十八

太子中庶子

文昌珥金貂于武帳文雅與綺縠相宣逸氣並雲霞俱
遠副君取敬杜夷時迴晉儲之駕追嗟徐幹亦降魏兩
之書爰發睿辭為銘云爾七略百家三藏九部成誦其
心談天其口勝氣無儔高塵誰偶榮珪掩采靈劔摧鋒
宋郊淪鼎洛水沉鐘元扉不晝幽夜恒冬

增賦唐右庶子李百藥贊道賦曰顧三善而未弘祇四
德而為行每趨庭而聞禮常問寢而資敬既雕且琢溫
故知新唯忠與敬曰孝與仁則下光四海上燭三辰昔
者三王之教子兼四時以齒學將交發於中外乃先之
以禮樂惟聖上之慈愛訓義方於至道同論政於漢幄

修致戒于京鎬鄙韓子之所賜重經術而為寶自禮賢
于秋實足歸道于春卿異洞簫之娛侍殊飛蓋之緣情

中允

左右贊善

左右諭德

司議郎附

原杜氏典通曰中允後漢太子官屬有之職在中庶子
下洗馬上漢制太子五日一朝其非朝日即使僕及中
允朝朝請問起居其後無聞宋齊有中舍人是其職也
唐貞觀初改太子中舍人為中允置二員其後復置中
舍人龍朔二年又改中允為左贊善大夫咸亨元年復
為中允而左贊善仍置焉中允掌侍從禮儀駁正啓奏
并監藥及通判坊局事若庶子闕則監封題職擬黃門

設官部

尚書省

中允

侍郎永徽三年以皇太子諱忠改為內允太子遜位而
官復舊 **增**續文獻通考曰宋中允贊善多為階官非
實有職業遼右春坊內有太子中允位次庶子之下元
置中允一人明左右春坊中允各一人正六品在左右
諭德之下 **原**杜氏通典曰左右贊善大夫龍朔二年
初置左贊善大夫替中允置右贊善大夫替中舍人咸
亨元年中允舍人復舊而贊善大夫別自為官左右各
五人皆掌侍從翊贊比諫議大夫 **增**續文獻通考曰
遼左右春坊內各有太子贊善大夫金左右贊善掌贊
太子以道德元左右贊善各一人明左右春坊贊善各

一人從六品在右中允之下 **原**杜氏通典曰左右諭
德龍朔三年初置太子左右諭德各一員掌侍從贊諭
職比常侍 **增**續文獻通考曰宋左右諭德各置二人
不常設 詳庶子內遼左右春坊內各有太子諭德金左右諭
德掌諭太子以道德之事元左右諭德各一人明左右
春坊諭德各一人從五品在正五品庶子之下中允贊
善之上蓋左右春坊大學士典東宮上奏請及下啓箋
講讀之事審慎而監省之庶子諭德中允贊善各奉其
職而從焉 **原**杜氏通典曰司議郎唐貞觀五年皇太
子上表請置史職用司箴誡乃于門下坊置太子司議

設官部 司監類考卷九十八 中允

郎四人精選名士以居之龍朔中分為左右以左司議郎替司議郎以右司議郎替舍人咸亨初復舊掌侍從規諫駁正啓奏并錄東宮記注分判坊事職擬給事中

增續文獻通考曰遼左春坊內有太子司議郎元儲政院置司議二人明左右春坊司直郎清紀郎之下有司諫各一人

諭德中允贊善 司直郎 司議郎附

增東寮 唐書德宗拜祥符為諭德中允對東宮曰臣不識自合 清班 又元稹制東宮之有諭德猶上臺 修整 宋史留正為中書舍人光宗為太子自東宮朝顧見留正謂左右曰修整如此其人可知乃請于上兼太子左

諭德 忠實 又宋仁宗在東宮魯宗道為諭德一日真宗先入白與之約曰上若怪公來遲當托何事宗曰但以實告飲酒人之常情欺君臣子之大罪中使具以對真宗嘉之以為 辭樂章 又汪大猷字仲嘉太子初建東忠實可任也 大淵禁中所進侍宴樂章論宮僚同賦大猷 曰鄭衛之音近習為倡非講讀官所當預 書酒誥 元史蕭軒字准斗博極羣書大德十一年拜太子右諭德扶病至京師入覲東宮書酒誥為獻以朝廷尚酒故也 輪日入宮 宋乾道七年詔庶 講經資善 元通五 經真宗名元講易遷太子中允皇子為壽春郡王王旦又薦元冑講經資善堂乃擢左正言兼太子右諭德 耆德方正 又崔遵度字季白宋仁宗以壽春郡王開 尊度遂命與張七遜並為王友上作 屏鷹以見 元史 七言詩以寵之儲宮建命為左諭德 德太子頗敬禮之一日入見方臂鷲鷹以為樂遽呼左 設官部

諭德中允贊善

右屏 精簡宮僚 宋齊恢神宗出閣精簡宮僚韓賜

扶而出 元史李謙琦薦其賢進太子左諭德也

世祖又命傳成宗于潛邸世祖深加器重嘗賜坐便殿

燕飲世祖曰此酒醉人恐汝不飲然能為朕強飲乎因賜葡萄酒

勝令三近侍扶掖而出 啓沃誠至 谷至元時以集

賢院侍講學士詔傅太子于宮中啓 端本堂經訓 李

沃誠至帝聞之大悅附太子年漸長開端本堂命皇太子

好文字惟中帝以皇太子年漸長開端本堂命皇太子

入學以好文為諭德好文以孝經大學論語孟子中庸

摘其要略釋以經義又取史傳及先儒論說有關於治體

而協經旨者倣真德秀大學衍義之例為書十一卷名

曰端本堂經訓要義奉表以入 首論建置宮僚 宋史孝

進詔付端本堂命太子習焉 人 首論建置宮僚 宋史皇

太子李彥穎為左諭德首論建置宮僚而後行司馬光論皇

宮內外無所不當省事須白詹事而後行司馬光論皇

錄以進上大喜行之 由薦舉輔東宮 以字行由薦舉

授審理永樂五年 聘布衣為諭德 續文獻通考英宗

賢命行入聘之既至京上謂李賢曰與弼當授何職賢

對曰今東宮講學宜授官僚次日名吏部命為左諭德

與弼固辭上強之不可乃召入文華殿賜勅 疾風勁

褒嘉賚以銀幣仍命行人送歸 以上諭德 疾風勁

草天中記唐裴諤為史思明所縛嘗疏賊短長以聞賊

知勳草 誠意感動 宋史程顥熙寧初用呂公著薦為

說神宗以正心室欲求賢育 尋訪舊學 又辛文悅以

才為言務以誠意感動主上 尋訪舊學 又辛文悅以

太祖幼時從其肄業周顯德中文悅久不接見一日夢

訪文悅果自至太祖相也太祖亦夢其來謁因令左右尋

及登位名見授太子中允 名試中書 太平興國中擢

進士第遷光祿寺丞獻所著文賦 改官翰苑 明唐順

之李學詩慕表云昔官翰林者進士高甲與庶吉士兩

設官部 論德中允贊善 聖

之歲得君等十有一人改翰院皆取之科道與部屬而君與余皆從吏部入東朝建君初擢太子中

仍治太學宋史胡瑗嘉祐初擢太子中 薦文學

之臣又尹洙以文學知名舉進士知伊陽縣用 選老

學之士獻徵錄趙文煥然洪武初授教諭歷任岳州

書蹇義以文名上太宗名至御前論授左春坊左中

允賜宴俾輔仁宗于東宮文進講經史敷釋明盡應制

有作悉寓箴規睿旨 別自為官天中記唐咸亨制中

嘉獎以上中允 別自為官允復舊而贊善大夫

別自為官皆掌侍從 總裁大典載貫通經史百家之

言會朝廷修永樂大典大臣有言之者以布衣召至為

都總裁時合內外詞臣暨太學生數千人緝闕中秘四

庫書浩瀚填委濟至詳定凡例區別去取莫不允愜書

成擢右春坊右贊善居輔導之職十有五年小心謹慎

未嘗少 官非諫職夫盜殺宰相武元衡居易首上疏

請急捕賊以雪國恥宰相以官官非諫職不當先諫官

言事會王涯荷撫居易他事謂其浮華無行貶江州司

馬 書稱先生士獻徵錄天台徐善述守好古為太學博

東官以師禮待之詩文皆令改定致書稱之為贊善好

古先生及其卒痛悼不已自為文以祭及即位贈太子

少保諡 注戒子篇右贊善大夫兼皇子侍講賜緋魚

文肅太宗至東宮出戒子篇命贊注 傳良知學獻徵錄羅

解且令委曲講說以喻諸生 傳良知學洪先字達

夫年十五聞王陽明講第一歷任左春坊左贊善疏請預

業嘉靖八年廷對擢第一歷任左春坊左贊善疏請預

定東宮朝儀作對擢第一歷任左春坊左贊善疏請預

士請益者日眾嘗謂人曰世間豈有現成良知非萬死

工夫奮不能得今人誤將良知作現成語其不知致良

知工夫奮不能得今人誤將良知作現成語其不知致良

中起居調護元史王洵字敬甫劉秉忠薦之世祖名

性行峻茂

諭德中允贊善

性行峻茂

羣籍太祖用薦手書徵之南畿擇為諸王子師教法嚴
 毅雖諸王子有弗若教者或擊額以管帝撫而怒高皇
 后問故曰惡有以堯舜訓爾子顧怒之邪帝威用霽
 立朝風節歸然名傳聞海宇授左春坊贊善大夫
 極天下之選子建國公冲字元長高宗時歷官侍讀會皇
 制為資善堂翊善而朱震兼贊讀時冲震皆一時名德
 老成極天下之選上命建國公見翊善贊讀皆納拜
 得出倫之才直進士科十九年為左贊善以母老求
 養顯宗使內直謂締達曰贊善初未除此官天子謂孤
 曰朕得一出倫之才學問該貫當令輔汝德義既數日
 贊善始除此官自謂親炙德義不學士同班明史汪
 勝其喜未可去也初下徵賢之詔至則引見問義深
 魯號真一道人洪武授承務郎左春坊左司直郎上亦
 愜帝意俾翼贊儲皇授承務郎左春坊左司直郎上亦
 日名侍講周旋于兩宮之間與朱善劉三吾學博陞
 二學士趨朝則同班賜坐則聯席人稱三老
 授詳贊善內書稱先記過之史唐貞觀中置司議郎
 生注以上司自

史也 清望之官 玉海敬播貞觀十八年皇太子表請置
 議部四人請選名士以居之播與來

論德中允贊善二

增制唐授楊禎太子諭德制曰某官敬以安仁恭而合
 禮相門華肩夙著清徽王邸元寮復膺高選屬肇開于
 博望宜審諭于承華 李嶠授于復業太子中允制曰
 某官志識端雅藝能詳洽既罷臺閣方驅節傳銅樓俟
 俊銀榜翹賢漢水觀風且輟彤幃之務瑤山聽樂宜煦
 黃離之景 蘇頲授吳昇太子左贊善制曰某官悟理
 明達用心微妙博以才藝精于談吐西園月上亟聞飛

設官部

洪金卷之九

諭德中允贊善

蓋之篇東陸春歸宜聽鳴笳之響 又授許誠感太子
司議郎等制曰某官或持邦憲才幹稱多或貳藩條公
勤克著青宮列侍元閣修文宜拜職于兩司仍佐軍于
三蜀

增詔宋以范冲為資善堂翊善詔曰朕為宗廟社稷大
計不敢私于一身選于屬籍得藝祖七世孫鞠之官中
茲擇剛辰出就外傳宜有端良之士以充輔導之官博
觀在廷無以易汝冲德行文學為時正人乃祖發議嘉
祐之初乃父納忠元祐之際敷求是似尚有典刑顧資
善之開史館經筵姑仍厥舊朕方求多聞之益實兼數

器之長施及童蒙綽有餘裕蔽行朕志宜即安之

表唐皇太子請置史職表曰太子既冠成人乃有記
過之史是知姬誦登聞聲建此官劉啓升儲憲章斯義
故能通溫玉裕聲聞宸宮上有慰于皇情下無虧于物
議臣以幼年夙蒙天獎趨紫宸以遵禮仰黃屋以承歡
肅恭馳道恐或乖方晨昏視膳慮有違舛蒙泉始達必
俟後乘之觀離光未融懼寢前星之曜是以夙興夜寐
內省多憂延首謹言冀開童昧而魏晉以降不置此員
杜絕箴規何其甚謬伏惟陛下窮神稽古尚擇芻蕘之
言元覽文明猶開登石之路況臣冲藐未涉藝文出自

深宮便請監撫之重罕從鼓篋疇識絃誦之宜一德有
愆始憂睿念三朝登餒何以勝任所以冒敢陳聞請遵
故事願開史職用司箴誡是使繇載墜典復在聖朝資
此正人少建不逮

增書元李好文上宰相辭太子諭德書曰自非德堪模
範不足以輔成德性自非學成闡奧不足以啓迪聰明
宜求道德之鴻儒仰成國家之盛事而某天資本下人
望素輕驟膺重託負荷誠難

中舍人一

原杜氏通典曰中舍人晉咸寧初置舍人四人以舍人

才學之美者為之與中庶子共掌文翰在中庶子下洗
馬上凡奏事文書皆綜典之監和嘗藥月檢奏直臣名
更直五日典文疏如中書郎宋亦四人齊有一人梁時
功高者一人與中庶子祭酒共掌其坊之禁令陳因之
後魏北齊並有之隋曰內舍人四員屬門下坊煬帝減
二人唐中舍人二員掌侍從令書奏疏通判坊事擬中
書侍郎永徽三年以皇太子諱忠改為內舍人太子遜
位而官復舊或謂之太子中書舍人
增文獻通考曰宋中舍人舍人至道天禧建儲各
置一人神宗欽宗登儲位皆置中興後省嘉泰初始除

王元實後以館職任伯起燕之慶元令太子舍人與中舍人皆從七品而中舍人又在舍人之上然故事未嘗除續文獻通考曰遼右春坊內有太子中舍人位次右庶子下金元以後不置

中舍人二

原治文書

晉中興書惠帝在東宮以中舍人與中庶子共治文書

典文疏王珉答徐

疏書中舍人典文

咸寧加名

管中興書百官公卿志注咸寧初置中舍人

似黃門任

徐邈與王珉書或說中書舍人職不與中庶子中間出內

顧榮

秀望

顧榮詳太子舍人非中舍人也

陸雲才藻

傅亮文帝誌陸雲字士龍性清正有才藻

舍人

杜錫數諫太子

王隱晉書杜錫字世嘏為太子中舍人性亮直忠烈數進諫愍

懷太子

張敞不答千秋

北堂書鈔吳地志張敞字弘源為東宮中舍人不輔會稽王嬖

人茹千秋曰中舍人名望久滿此待公坐當盡拙言敞正色不為答

太子洗馬一

原杜氏通典曰洗馬秦官漢亦曰洗馬

又按漢書汲黯及姊子司馬安

並為太子洗馬安文深巧善宦四至九卿

後漢員十六人職比謁者太子出

則當直者前驅導威儀也

漢選郎中補

安帝時太子謁朝洗

馬高山冠非乘從時著小冠魏因之晉有八人職如謁

者擬祕書郎進賢一梁冠黑介幘絳朝服掌圖籍釋奠

講經則掌其事餘後漢同

陸機鄧攸

宋與晉同齊置一

人梁有典經局又置八人掌文翰尤為清選皆取甲族

有才名者為之位視通直郎梁庾於陵拜洗馬舍人如舊東宮局通為清選洗馬

掌文翰尤其清者近代用人皆取甲族有才名者時於陵周捨並擢充斯職武帝曰官以人而清豈限于甲族

美之陳因之北齊典經坊洗馬二人隋曰司經局置洗馬四人煬帝減二人唐司經局洗馬二人龍朔二年改洗馬為司經大夫三年改司經局為桂坊一云析司經局置桂坊

司經大夫通判坊事罷隸左春坊咸亨初復舊掌侍奉及經史圖籍判局事

增續文獻通考曰遼南面司經局有太子洗馬屬左春坊金司經正八品掌經史圖籍筆硯等事明司經局洗馬二人校書二人正字二人洗馬掌經史子集制典圖書刊緝之事立正本副本貯本

以備進覽凡天下圖冊上東宮者皆受而藏之校書正字掌繕寫裝潢制典圖書詮其訛謬調其音切以佐洗馬

太子洗馬二

原先馬漢百官表如淳曰洗馬前驅也國語 孝聞晉

密為太子洗馬事 掌國籍晉起居注武帝制 典文

祖母劉氏以孝聞 如謁者 擬秘書杜氏通

書 晉齊王攸與山濤書洗 洗馬清道徐魏與 勾踐執戈韓子云勾踐入官

典 洗馬清道 以嚴見憚漢書汲黯孝景帝時為 同官所推

馬 傳云江充為太子洗馬太子頗好游宴 一時高選晉

或闕朝待嘗以五事諫之為同官所推

居注東宮洗馬 今之清選 齊王攸與山濤書 以才

一時之高選 王隱晉書李密字令伯時人 以弱冠拜 晉書衛

秀異總角乘羊車入市見者皆以為玉人辟命屢 以

弱冠登 荀氏家傳遠字道元性簡靜 清身潔已 晉書

字少連仲兄結字仲連次兄有 雅量弘齊 傳咸別傳

叔雅量弘齊思心遠遠太子洗馬咸云謬 篤敏有

蒙朝恩忝授斯職喜得與此子同班共事也 荀氏家傳云

思 晉齊王攸與山濤書武長 才經文雅 遂拜太子洗

馬戴若思特相 引為洗馬 唐書魏徵與裴矩走入 我欲為

徵為洗馬 又隱士田游巖高宗幸嵩山親 我欲為

樂 太平御覽李綱隋時為太子洗馬 太子勇宴宮臣左

庶子唐令則奏琵琶又歌武媚娘曲網曰令則官調

護乃自比倡優進淫聲惑視聽使上聞之豈不為 臣

非得言 唐書隋太子勇廢文帝切讓官屬無敢對李 綱

賢者輔而善得不肖者導而惡奈何歌舞鷹犬繼兒使

日侍側何特太子罪邪帝曰以汝為洗馬何不擇人網

曰朕過矣擢尚書右丞 廊廟之才 世期宋武帝北伐

領同州刺史既克洛陽使居州行事宋國初建毛德祖

使洛陽武帝敕之曰裴松之廊廟之才不且久居邊務

今召為太 調護之寄 唐書蔣儼為太子右衛副率中

子洗馬 調護之寄 宗在東宮儼爭過失不衛副率中

以不應諫于是田游巖由處士為洗馬儼貽書責之曰

太子年鼎盛聖道有所未盡足下受調護之寄居責言

之地唯唯悠悠不出一談 給俸祇十千 為相先是百

尚何酬塞游巖愧不能答 給俸祇十千 為相先是百

官俸料薄奏請加時韓滉判度支與裴加各俸厚薄

由已太子洗馬實司經局長官文學為之貳裴有親任

太子洗馬

太子洗馬

太子洗馬

太子洗馬

弼世宗朝與修武宗實錄進司經局洗馬經筵直講及
卒上念講臣特命有司諭祭前此五品非學士不予祭
蓋異也
原陸機感恩賦詩陸機皇太子清宴詩序元康
四年秋余以太子洗馬出補
吳王傳咸同班共事詳雅量朝推文士選在陸機
郎中機起家為太子洗馬時號玉人擢於衛玠帖

太子洗馬三

原詩梁王筠寓直中庶坊贈蕭洗馬詩曰龍樓實九重
薄寒起殊早玉階泣清露銅池結秋潦霜被守宮槐風
驚護門草之子擅文華縱橫富辭藻舒錦慙光麗握珠
謝奇寶媿予非工文何用披懷抱 陳江總贈洗馬袁
朗別詩曰賈誼登朝日終軍對奏年校文升廣內撫劔

入崇賢奇才殊豔逸將別愛流連驅車命鏡管拱坐面
林泉池寒稍下鴈木落久無蟬霧侵山扉月霜開石路
煙高譚無與慰遲爾報華篇

太子舍人

通事舍人附

原杜氏通典曰太子舍人秦官也漢因之比郎中選良
家子孫鼂錯鄭當時並後漢無員更直宿衛如三署郎
中凡帝初即位未有太子太子官屬皆罷唯舍人不省
屬少府魏因之晉有十六人職比散騎中書侍郎從駕
則正直從次直守妃出則次直從元帝大興元年以太
子舅虞盾為舍人太
子奏曰舅甥當崇敬不欲降舅氏宋有四人齊有一人
之親為侍臣詔乃轉盾為常侍

設官部

開監類編卷九十八

太子舍人

在

梁有十六人掌文記梁劉杳字仕深為舍人及昭明太子薨新宮建舊人例無仕者勅特留留杳陳因梁制後魏亦有之北齊典書坊置二十人隋典書坊有八人煬帝改為管記舍人減四員唐復為太子舍人四人掌侍從表啓宣行令旨分判坊事龍朔二年改為右司議郎咸亨元年復舊唐六典曰凡皇太子進表如諸臣之禮諸臣及宮臣上皇太子大事以牋小事以啓其封題皆曰上於右春坊通事舍人開封以進其事可施行者皆下於舍人與庶子參詳之然後進不可者則否原杜氏通典曰通事舍人齊中庶子屬官有通事守舍人庶子下又有內典書通事舍人二

人掌宣傳令旨內外啓奏梁亦有之視南臺御史多以餘官兼職陳因之北齊門下坊有通事舍人八人至隋亦有之煬帝改為宣令舍人八員唐復為通事舍人亦有八員掌引導辭見承旨勞問增續文獻通考曰明詹事府屬通事舍人典東朝參謁辭見之禮及承冷勞問之事

太子舍人二

原漢書曰文帝使晁錯詣伏生受尚書還拜太子舍人漢雜事曰鄭當時景帝時為太子舍人每五日沐浴常置驛馬長安諸郊存諸故人請諸賓客夜以繼日常

恐不徧 魏略曰張茂上便宜擢為太子舍人 山濤
啓事曰臣近舉汜源為太子舍人源見稱有德素久沉
滯舉為大臣欲以慰後聞之士 又曰太子舍人夏侯
湛有盛才而不長理人有益臺閣 晉諸公贊曰張華
博識多聞無物不知一作問無不知 盧浮高朗經傳有美于華
起家為太子舍人 宋書曰王僧達善屬文帝召見德
陽殿拜舍人

太子舍人三

原備絳衣 班彪便宜表云宜選師傅將相子孫 掌表
啓 擊虞決疑云太子舍人 課乙科 漢書成帝時太學
晉置十六人掌表啓

秉政改課乙科通者 通二經 擊虞決疑云太常弟子

德望歷位 滅榮緒晉書程牧有清 秀望累遷 晉中

顧榮字彥先南土秀望 侯霸威重 東觀漢記侯霸字

有清操為太子舍人 明帝善之 魏志

字彥林太和申上便宜事百餘 陳准德器 晉諸公讚

條明帝善之拜為太子舍人 舍人更直宿衛 續

太子舍人 程牧清名 詳德望 舍人今之清選 晉齊王

書百官志太子舍人二百石 舍人今之清選 晉齊王

無員更直宿衛如三署郎中 擊虞以賢良拜 晉書擊虞字仲治少事皇南謚才

書 擊虞以賢良拜 晉書擊虞字仲治少事皇南謚才

子舍 卞敦以才識稱 晉書卞敦字仲仁以才

夷甫以名門超 王隱晉書王衍字夷甫 元則以文

設官部 尉監類為卷九十八 太子舍人

學舉

桓氏家傳範字元則魏太

山簡齊名嵇紹

晉書

字季倫

與譙國嵇紹沛郡劉謨弘農楊

盧浮有美于

淮齊名

初為太子舍人累遷太子庶子

潘岳神形清辨

華公贊

華譚言語清辨晉中興書華譚字令思少以

輔性寡嗜慾

晉書樂廣字彥輔性冲約有遠識寡嗜慾

州刺史

裴楷常引廣共談自夕申旦雅相欽挹王戎為荆

太子舍人

孝若秉心居正晉齊王攸與山濤書孝若

坦才名獨步

晉中興書會稽孔錄云坦字君祖納文

義可觀

又曰范陽祖錄云納字士言有標行以門

漢講說石渠

漢書儒林傳云通義可觀遷東宮舍人

東觀

謝承後漢書馬融字季長年十三

鼂錯上便宜

事尚

記鼂錯以文學為太常掌故孝文帝時天下無治

便不

可徵乃遺錯受尚書伏生所還因上

真

賦榮緒晉書潘尼字正叔義府辭若讜直

其萌

不絕其害必彰義承華箴末云佞諛有類邪巧多方

優詔

賜帛姚崇稱其遠到唐書開元初蕭嵩為舍人

許也

獨姚崇稱其遠到崔元伯眾務修理

崔元伯

有雋才號曰黃州神童符融牧冀州虛心禮敬

拜陽平公

征東記室出總庶政入為賓友眾務修理處

之徵

為太子舍人薛元敬文翰稱職元敬為太子

舍人文

翰稱職

太子舍人四

原墓誌梁簡文帝太子舍人蕭特墓誌銘曰威鳳五色朝陽千仞孫枝發響將雛流韻馥哉若蘭頌矣懷熊瑾既誕子恒乃歡肩銀鈎之巧重世適雋况此臨池蟬輕露潤丹旒輕飛哀歌徐引隴水春帷山雲晚陣

崇文館學士 文學 校書 正字附

原杜氏通典曰崇文館學士魏文帝始置崇文館以王肅為祭酒其後無聞貞觀中置崇賢館有學士直學士員掌經籍圖書教授諸王屬左春坊龍朔二年改司經局為桂坊管崇賢館而罷隸左春坊兼置文學四員司

直二員司直正七品上職為東宮之憲司府門北向以象御史臺也其後省桂坊而崇賢又屬左春坊後沛王賢為皇太子避其名改為崇文館其學士例與弘文館同 文學漢時郡及王國並有文學而東宮無聞魏武置太子文學 魏武為丞相以司馬宣王為文學掾甚為世子所親信 自後並無至後周建德三年太子文學十人後省龍朔三年置太子文學四員屬桂坊桂坊廢而屬司經開元中定制為三員掌侍奉分掌四部書判書坊事 校書宋孝建中洗馬有校書吏四人自後無聞北齊有太子校書隋太子校書有六人唐四人掌讎校經籍 初弘文崇文二館置讎校開元六年省讎

設官部

尚書頭函卷九十八

崇文館學士

五

校置校書弘文四員崇文二員

增續文獻通考曰明司經局校書二人

原杜氏通典曰正字太子正字二員煬帝改為正

書唐復為正字亦置二人掌刊正文字

增續文獻通考曰明司經局正字二人

淵鑑類函卷九十八

